




सानसेयारि 'बड'सा' खरीरालाइयाव
समाज्यादि जिउजो लोखा थनाय रायथाय, खन्थाय,
सल', सल'बाथा आरु हावबायादि थावनि, पार्क
बाइदिनि स्यायव लिउनाय लिउबिबां दैथाय डर/
सानसेयारि 'बड'सा' खरीरालाइया सेबरानाव
फोसावगोन।
बड'सायाव लिउरुनायनि दुबा खालाम,
'बड'सा' खरी नोथां, जो बयबो आंगो खालाम।
सानसेयारि बड'सा मावखुनि
माइबं नोगोर, जोहोलाव दैमालु लामा
कक्राझार, बिटिसि-783370
Website: www.bodosanewspaper.com

FZBODOSA ★ A Bodo News Daily ★ Friday ★ 26 April, 2024 Kokrajhar, BTC, Assam ★ Vol.- 34, Issue No. 30 ★ R.N.I. Regd.No. 40994/91, Assam Govt. Regd.No. IPRD.40/2006/3, ★ Rs.8/-

दिनै दरं-उदालगुरि लकसभा बियाबआव गासै 21,87,160 भटारफोरा भट होनो साखा-फारा

कलाइगाव, 25 एप्रिल: दिनै बिसायख 'थि, दरं-उदालगुरि लकसभा बियाबनि मोन 12 बिधान सभा बियाबनि मोनफोमबो पलिं सेन्टारआव पलिं प्रिसाइडिं अ फ सार फेरा नुजाथिहैजोब्बाय। मख'नो गोनांदि, गासै 21,87,160 भटारफोरा दिनै गाव-गावनि भटखौं होगोन। गासै मोन 11 बिधानसभा बियाबनि 2,622 पलिं सेन्टारआव भट आजावनाय जागोन। मख'नो गोनांदि, 46 नं उदालगुरि



बियाबआव मोन 196 था, 44 नं गरेस्वर बियाबआव मोन 223 था, 43 नं भेरगाव बियाबआव मोन 203 था, 47 नं माजबात बियाबआव मोन 211 था, 48

नं टला बियाबआव मोन 231 था, 49 नं हिफाजार बियाबआव मोन 284 था, 50 नं मंगलदै बियाबआव 255 था, 51 नं दलगाव बियाबआव मोन 316

था, 31 नं रडिया बियाबआव मोन 252 था, 32 नं कमलपुर बियाबआव मोन 224 था आरु 43 नं तामुलपुर बियाबआव गासै मोन 247 था पलिं सेन्टारफोर दड। मख'नो गोनांदि, बिसायख 'थि आयगआ बे बिसायख 'थिखौं आलो-गोजोनै खुंफुं जागोनखौं मिजिथिदों आरु पुलिस खुंथाइआबो मोनफोमबो पलिं सेन्टारफोरवोनो गोखोडै रेखाथि होनो राहा खालामनायखौं नुनो मोन्दों।

ड० हिमन्त बिश्व शर्मानि मानखौं गाज्रि खालामनोसो बेरेखा दोलोआ बानसावदों चाकमा-हाजंखौं आसामआव फसंथाइ होनो नागिरनाय खौराडा नंखाय आरु बिथा गैया: किरेन रिजिजु

गुवाहाटी, 25 एप्रिल: अरुणाचल प्रदेशआव जिउ खुंबोबाय थानाय चाकमा आरु हाजं रिपिउजिफोरखौं नोगोरारि सोदांनय आइनि सिडाव आसामआव फसंथाइ होनाय जागोन होना किरेन रिजिजुआ फोरमायदों होना जेरेबायदि खौरं ओंखारदों बेनि सोमोन्दै मिरु मन्थिआ रोखा खेफोरथि होनायखौं नुनो मोन्दों। बृहस्पतिबारआव खौरं बिजोनि सिगाडाव रिजिजुआ बेनि



सोमोन्दै फिनजाथाय बिबुथियाव फोरमायदोंदि, आसामआव सोरबा दुथां हाज्याया रोखा बिथं गैया लासेनो नंखाय खौरं फोसावदों। आसामनि गिबि मन्थि ड० हिमन्त बिश्व शर्मानि मानखौं गाज्रि खालामनो सोरबा आसामआव नंखाय खौरं फोसावदों। चाकमा, हाजंफोरखौं अरुणाचलआव रिपिउजि महेरे 1964 माइथायावोन कंग्रेस (□ 5 बिलाइआव)

दिनै तामुलपुर आरु गरेश्वराव राइज्योयारि बन्द' फोसावदों

सालबारि, 25 एप्रिल: लकसभा बिसायख 'थिनि नैथि खोलोबनि भट थुनाय सानखालि राइजो-राजाफोरनि खुबुखौं लानानै बाक्सा बिसायख 'थि जिल्ला मेजिस्ट्रेट कृष्णा बरुवा (एसिएस) आ मोनसे बिथोनमा फोसावदों। फोसावनाय बायदिये गाबोन 26 एप्रिलखालि बिसायख 'थि खुंजानो गोनां 4 नं. दरं-उदालगुरि लकसभा बियाबनि सिडाव थानाय 43 नं. तामुलपुर (जनजाति) आरु 44 नं. गरेश्वर बिधान सभा बियाबआव राइज्योयारि बन्द' सानखौं फोसावना होदों। बे (□ 5 बिलाइआव)

कक्राझारआव जयन्त बसुमतारिआ 3 खावसे लाख भटआव देरहासारगोन: प्रमद बर'

हाग्रामानि नांगोलखौं राइजोफोरा बिसायख 'थिनि उनाव बाउगारसिगोन

भवानिपुर, 25 एप्रिल: बे बारआव कक्राझार लकसभा बियाबआव राइजोफोरा इडपिपिएल, बिजेपि आरु एजिपि जूथाय दोलोजोंसो दंफायो। गासै 80 जौखोन्दो भट मोन्नानै जयन्त बसुमतारिआनो देरहासारगोनआ रोखा। बिटिआरनि गाहाइ मावफुं सोद्रोमा प्रमद बर'आ दिनै बाक्सा जिल्लानि ककलाबारि बियाबनि सिलबारि, दाउधारा बायदिआव बिसायख 'थि फोसावदिनानै खौरं बिजोनि सिगाडाव बे बायदिनो



फोरमायथिनायखौं नुनो मोन्दों। प्रमद बर'आ फोरमायबाउनाय बायदिब्ला, बिपिएफआ सासन खालामनाय समाव बर'-अबर'फोरा गासैबो बिथिडवोनो नेवसि जादोंमोन। लामा-दालां मोनसेबो बानायाखैमोन। जौनि दिनआव गोवां लामा-दालां बानायगासिनो दड। राइजोफोरा गोवां बिथाखिफोरनि सिबिथाइ मोनगासिनो दड। बेनिखायनो बर'जों लोगोसे मोनफोमबो हारि-माहारिफोरनो गोजोनानाय मोनबाय। बे निखायनो (□ 5 बिलाइआव)

बिसायख 'थि बिबानगिरिखौं रोगाग्रा गारिआ जाब्रबथाइ जादों, उदालगुरियाव प्रिसाइडिं बिबानगिरिखौं हमदों

गुवाहाटी, 25 एप्रिल: 86थि लकसभा बिसायख 'थिनि नैथि खोलोबनि भट आजावनायनि सिगां-सिगां करिगन्ज लकसभा बियाबआव बिसायख 'थि बिबानगिरिफोरखौं रोगानाय गंसे गारिआ जाब्रबथाइ जादों होना खौरं मोन्नानाय जादों। बे जाथाया करिमनजनि रमकृष्ण नोगोर ओन्सोलाव जादों। बे जाब्रबथायाव साफ्रोमबो बिबानगिरिफोरनो गोब्राबै जोखोम जानो गोनां जादों। मिबथिनो मोन्नानाय बायदिब्ला, बे बिसायख 'थि बिबानगिरिफोरा 143 नं भट मिरुसिम दावबायलोबाय थानाय समावोनो बे जाब्रबथाइजों मोगा-मोगि जानो गोनां जायो। जाब्रबथाइ जाखानायनि उनावोनो जोखोम जानाय बिबानगिरिफोरखौं ओन्सोलेनि फालामसालियाव फाहामथाय होनाय जायो। बेजों लोगोसेनो बे बिसायख 'थि बिबानगिरिफोरनि हेफाजाब खालामनो थाखाय गुबुन मोनसे दोलोखौं भट मिरुआव दैथायहरबाय। गुबुन फासैथि उदालगुरियाव बिबान सामलायबाय थानाय समावोनो जौ लौनायनि अजदआव सासे प्रिसाइडिं बिबानगिरिखौं हमनाय जादों होना मिबथिनो मोनो। हमजानाय प्रिसाइडिं बिबानगिरिखौं अरुन दैमारि होना सिनायथिनो हादों। दैमारिआ उदालगुरि हिन्जावसा गोजौ फरयसालिनि फोरेंगिस्मोन। (□ 5 बिलाइआव)

फैगौ 28 एप्रिल, 1 आरु 3 मेआव गिबि मन्थिआ कक्राझारआव बिसायख 'थि फोसावदिंफैगोन

एन डि एनि बिजाथि जयन्त बसुमतारिआ दाउलाबारि साहा बागानआव नुजाथिहैनानै साहा बिलाइ खाग्राफोरजों लोगो हमज्जायहैयो

कक्राझार, 25 एप्रिल: 1 नं कक्राझार लकसभा बिसायख 'थिनि बारहावानि खारथाया थारैनो बवे दिगथिं खारगासिनो दड बेखौं रोखायै सायख'नो सरसनसा भटारफोरा जेबो बिथं खौरं होनो हायै समावोनो माखासे राजखाथि दैदेनगिरिफोरबो थार दिगखौं दासिमबो हमनो हायाखै। बेबायदि थासायियाव बिजाथि फेसनाय दोलो एबा बिजाथिफोरानो गावसोरनो बिसायख 'थि फोसावदिनायाव मुखुब जानानै थानानायखौं नुनो मोनो। मख'नो गोनांदि, 1 नं कक्राझार लकसभा बियाबआव



सा 12 बिजाथिफोरा बि स। य ख ' थि य। व बादायलायगोन। बेनि गेजेराव बयनिखुइबो गोहो गोरसिन महै एनडिएनि बिजाथि जयन्त बसुमतारिआ मिबथिजानो हादों। भटार राइजोफोरखौं बुरखायनो आलादा-आलादायै बिजेपि,

इडपिपिएल आरु आसान गन' परिशदआ बायदि रोखोमनि हाबाफारिजों लोगोसे बिसायख 'थि फोसावदिनायाव मुखुब जानानै दड। जेराव गेदेर गेदेर दैदेनगिरिफोरा बे बिसायख 'थि फोसावदिनायाव (□ 5 बिलाइआव)

सालबारि, 25 एप्रिल: 'अबर' सोदोबआ मोनसे गोथार नडै सोदोब। अबर' सोदोबआ गोथार नडै सोदोबल' नड, सोदोबआ संबिजरारि नड। बर'फोरा आसामनि थागिबि हारि, मोनसे हारिमु गोनां हारि। नाथाय राजखाथिनि मुडाव माखासे सुबुंफोरा गाहाइ थाखोनि सार्थनि थाखाय 'बर'नि सिगाडव 'अ' सोदोब मख'नानै अबर' सोदोबोखौं बाहायनानै



आसामयाव मोनसे हारियायि दावराव-दावसि थाखो सोमजिहोबाय। बर'नि सोलायै अबर' सोदोबखौं बाहायनानै बर' हारिनि गावखौं मान होनायाव

जेंना सोमजिहोदों। नाथाय बिजेपि दोलोनि दैदेन्याय सरकारनि समाव अबर' मुंजों गोथार नडै आरु संबिजरारि नडै सोदोब बाहायनानै राजखाथि

खालामनायनि सानआ बारलांबाय। अबर'नि राजखाथिआ आथिखालाव गैलिया। आथिखालाव राजखाथिनि गासै बिथिडवोनो एनडिए सोदोबआसो फेदों। मोनसे समाव अबर' सोदोबा बिटिसियावल' दडमोन। आथिखालाव बिटिसियाव राइजो-राजाफोरनि गोसोनि (□ 5 बिलाइआव)

भवानिपुर, 25 एप्रिल: कक्राझार लकसभा बियाबनि बेंखनाव थानाय सालबारि बिटिसि बियाबनि लाइमोन बिपिएफनि रुपहि-घरामारा गुदि आफादनि आफादगिरि, लोगो आफादगिरि आरु नेहाथारिआ बिबान एंगारदों (□ 5 बिलाइआव)

बान्दरदेवाआव गंसे पान्जाब बडि ट्राकआव अरुणाचलनि जौ हमदों

गुवाहाटी, 25 एप्रिल: लक्षिमपुर जिल्लानि आसाम अरुणाचल सिमना ओन्सोल बान्दरदेवा 2 नं पारबतिपुर पुलिस आउट पस्टनि बेंखनाव थानाय पतालियाहार टल गेटनि खाथियाव गंसे ट्राकजों लोगोसे गोवां लाख रंनि अरुणाचलनि जौ हमनो हायो। बान्दरदेवानि 2 नं पारबतिपुर पुलिस आउट पस्टनि बिबानगिरि हेमन्त (□ 5 बिलाइआव)

कंग्रेस-अजापनि मददगिरिफोरा बि जे पिआव हाबदों

बजाली, 25 एप्रिल: हादतनि 86थि लकसभा बिसायख 'थियाव आसामनि मोन 14 मासिनि मोनफोमबो मासिखौंनो दखल खालामनानै सिगांनि गासैबो रेकडखौंनो सिम्फायनायाव बिजेपिआ मुखुब जानानै थानायखौं नुनो मोन्दों। हिन्दु भटारजों समान-समान मुसलमानजों बुंफबनाय ओन्सोलफोयबो दोलोनि दैदेनगिरिफोरा मुखुब जानो हमदों। आफां आसामनि बरपेट लकसभा बियाबनि बेंखनाव थानाय बजाली जिल्लायावबो इस्लाम धोरामारिफोरखौं बिजेपिआव सोनाय हाबाफारिया सोलिगासिनो दड। दिनै बिजेपिनि बजाली

जिल्ला गौथुमनि आफादगिरि नगेन चौधुरिनि दैदेन्याय बिजेपिनि नेमखान्थि आदर्शखौं मोजां मोन्नानै बजाली मन्डल, पाताचारकुचि मन्डल, पातशाला मन्डल आरु पाका मन्डलनिफ्राय कंग्रेस, अजाप' आरु एआइउडिएफनि रोजा-रोजा मावफारियाफोर बिजेपिआव हाबनायखौं नुनो मोन्दों। दिनैने बे दोलोआव हाबनाय हाबाफारियाव पाका बेदबारि ओन्सोलनि सा 30 मुसलमान धोरामारि सुबुंफोरा हाबनायखौं नुनो मोन्दों। बे गोदानै हाबनाय मावफारियाफोर सिगांनि समाव कंग्रेस आरु एआइउडिएफआव दडमोन (□ 5 बिलाइआव)

बिटिआर बेंगलि युबा सात्र फेडारेसनआ जयन्त बसुमतारि आरु दिलीप सइकियाखौं हेफाजाब होगोन

रडिया, 25 एप्रिल: थानाय समफोराव गेजेरनि बिफाव लाबोबाय थानाय दुलाराय बिटिआर बेंगलि युबा सात्र फेडारेसनआ जोबथारनायाव दरं-उदालगुरि आरु कक्राझार लकसभा बियाबआव एनडिएनि बिजाथिखौंनो हेफाजाब खालामनो थांखि लानायखौं नुनो मोनो। लकसभा बिसायख 'थिनि नैथि आरु थामथि खोलोबनि भट आजावनायनि सिगाडाव एबा 23 एप्रिलआव दुलाराय बिटिआर बेंगलि युबा सात्र फेडारेसननि मिरु गौथुमनि बान्जायनायाव रडियाआव मोनसे मावफुं आफाद खुंफुंनाय जायो। बे मेलआव 2थि आरु 3थि खोलोबनि बिसायख 'थिखौं मिरु खालामनानै माखासे गोनांथाय थांखिफोरखौं आजावनाय जादों। बेनि सोमोन्दै दुलाराय बिटिआर बेंगलि युबा सात्र (□ 5 बिलाइआव)

शभ 'लिन
इमलियेन्ट

आरोबाव गोजों आरु
बिगुनि थाखाय लुमाप्फा गोनां

सुजुगिरिनि खोलोम

सुबुं समाजयाव फोर्बोनि गोहोम

आधिकाल फुजानि बोथोरा बारग 'नायनि सम जाबायब्लाबो रंजानाय-बाजानायनि बोथोरा जोबनानै फैयाखै। रंजानाय बाजानाय फुजा बोथोरा बोसोर खालाव खेबसे खेबसेयै नुजाफैयो। फुजानि अनगायैबो गोदान बोसोर ,मागो दमासि,रंजालि बैसागुफ्रानो गाहाय होन्नानै बुंजायो। टाउन-सहर, गामि जेरावबो बेफोर बोथोराव उन्दै-गेदेर, हिन्जाव-हौवा बयनिबो गोसोयाव रंजा-खुसिनि दोहौ जाखांफैयो। बोसोर खालाव सुबुंनो खेबसे रंजानायनि फोर्बोया गोनां जाखायोबो। बायदि बायदि बिमुंजों बुहुमनि दाब-दाब जायगायाव फोर्बो फालिनानै रंजायो-बाजायो गोसोनि गोजोन्नाय लायो। बेनि गेजेरजोंबो समाज, ओन्सोल आरो बायदिसिना हारि-माहारिनि गेजेराव अनज्जायनाय, गोजोन थासारि लाखिनाय आरो दाफुं नायाव गोबे' बान्जानाय सौफैयो। बेराफासै रंजालु फोर्बोनि मुडै मेला खुंनयाव मोजां बान्जानायजों लोगोसे गात्रि हामजायैबो साबफादेरो। जाउनाव ओन्सोलनि, समाजनि फारफ्रोम बिथिडावनो गात्रि गुबुंले बार बारबोनाय आरो गात्रि हुदा नेमखांथि रोदोमखानाय फैयो। फोर्बोनि मुडै दाब-दाब जायगाफ्राव खुंनयाव मेलायाव जुवा, जुवा हारिनि गेलेनाय बाहायलायनाय इयुन जोलैनि उन्दै-उन्दै गथ'साफोरनि जिउ, सोलोथाय, आखल आखु दानांगोयाव हेँ था सोमजिखां होनाय नोजोर गोर्लैयो लोगोसे समाजयारि, रांखांथियारि आरो थासारिनि फासैबो ख'हा सोमजि होनायनि लामा थायो। बेफोरनि अनगायै नांलाय-खमलाय, बुलाय-सोलायबो साबफादेरो। दावराव-दावसिनि थासारिखौ असिला लानानैनो समाज बेरेखा सुबुंफ्रा बाइदि बिथिजों ओन्सोलाव गुबुंले थासारि लाबोनायनि राहा लामा लानायनि खाबु थाहैयो। समाजनि बेफोर बानजायै हाबाया मोनसे हारि, समाजनि थाथायखौल' गोफोन खालामा गुबुन हारि-माहारिनि गेजेरावबो रोखोमसे गोहोमानो गोर्लैफायो। जाउनाव गावजों गाव अनज्जायनाय, खौसैथिखौ सिमफायनो बोलो मोनो। गुबैयै सोलौंथायारि, रांखांथियारि आरो समाजनि बिथिडेनो गोबांसिन ख'हा खालामनायनि लामा थाहैयो। जुब्रा हालोदनिफ्राय मानबायस्तिंनो रौनाय समाजनि गेजेराव ख'हा खालामग्रा बियाद गोसारदलानो खाबु मोनो हायै बादि समाजनि मोनफ्रोम आफाद, गौथुम, बिमा-बिफा आरो मेलेमजिबि, दैदेनगिरिफ्रानो गोखों नोजोर लाखिनायनि बिबान दं। समाजनि गोगो जौगाखां लाबोनायानो हादत आरो हालामनिबो जौगाखांनय सौफैयो।

लक सभा बिसायख 'थि 2024: नैथि खोलोबनि 88 बियाबफोरनि फोसावदिंआ जोबथायो

गोदान दिल्ली, 25 एप्रिल : आधिखालाव हादतआव सोलिबाय थानाय लक सभा बिसायख 'थिनि नैथि खोलोबा दर 13 रज्ज्योफोरनि मोन 88 बियाबफोराव 26 एप्रिलखालि खुंजागोन। बेनि फोसावदिं हाबाफारिया बुधवार मोनाबिलि समाव जोबथायो। नैथि खोलोबनि बिसायख 'थियाव केरलानि मोन 20, कर्नाटकनि 14, राजस्ताननि 13 उत्तर प्रदेश आरो महारास्ट्रनि 8-8, मध्य प्रदेशनि 6, आसाम आरो बिहारनि 5-5, सोनाब बंग' आरो छत्तिसगड़नि 3-3, मणिपुर, त्रिपुरा आरो जम्मु-काश्मीरनि 1-1 बियाबफोराव भट सोनाय जागोन।



मख'जाथावदि, नैथि खोलोबनि बिसायख 'थिनि गेजेरजों मध्य प्रदेशनि मोन 7 बियाबफोराव बिसायख 'थि जानांगौ दंमोन। नाथाय बेतुल बियाबआव सासे बिजाथिनि जिउ गोमानायाव

आरो मिरुजों खुंनयाव राज्ज्योफोरनि 102 बियाबफोराव 65.5 जौखोन्दो भट सोनायखौ थिसन्नो मोन्दं। बिसायख 'थि फोसावदिंनि समाव गाहाइ मन्थि नरेन्द्र मदिद्या राजस्ताननि वांसवायाव मोनसे रेलियाव बिबुंथि लाखिनानै कंग्रेसनि फोसावदिंलाइखौ गोखों रवजों सांखारिदंमोन। बेजों हादतनि बिसायख 'थि थासारिया दुंहावसिन जानानै फेदों। बे समाव बिथाड दाय जाबसिना बुंदोंमोनदि, बेरेखा दोलोया सुबुंफोरनि नाजानानै आरजिनाय

कर्नाटकआव बिजेपिनि सशेल मिडिया पस्टनि बेरेखायै एफआइआर थिसन्दों

बेंगलुरु, 25 एप्रिल: बिजेपिनि मावख'आरि हेन्डेलनिफ्राय इन्टरनेट मिडिया एक्सआव पस्ट खालामजानाय 'कंग्रे'स मेनिफेस्ट' एक्का मुस्लिम लोग मेनिफेस्ट' मुनि मोनसे पस्टनि बेरेखायै एफआइआर होनाय जादों। कर्नाटकनि गाहाइ बिसायख 'थि मावख'गिरिया बे बाथाखौ रोखा खालामबाय। मल्लेश्वरम बिधानसभा बियाबनि एफएसटी हान्जाया बेंगलुरुनि मल्लेश्वरम पुलिस थानयाव एफआइआर थिसन्दों। बिजेपिनि सायाव समाजाव मुगैलायनायखौ बांहोनायनि दाय दं। बिसायख 'थि मावख'गिरिया बुंदोंमोनदि, गुबुन गुबुन हान्जाफोर आरो नोगोरारिफोरनि थाखोफोरनि गेजेराव मुगैनाय आरो सुथुरखौ बांहोनाय थाखाय आरपि एकटनि सेक्शन 125 आरो आइपिसिनि धारा 153 नि



सिडव एफआइआर नं 0061/2024 खौ 24 एप्रिलाव रजिस्टार खालामनाय जादों। मंगलबाराव बिजेपि कर्नाटकआ गावनि 'एक्स' हेन्डेलाव पस्ट खालामनानै सोदोंमोनदि, कंग्रे सजों फोसावजानाय फोसाव बिलाइया मुस्लिम लोगनिमोन नामा?' कंग्रेसनि इस्ताहार ना मुस्लिम लोगनि इस्ताहार? सोलौंथायारि फसथानफोराव हिजाब जाबसिनाय। मुसलमानफोरनो धोन रान्नाय।

लक सभा बिसायख 'थिनि गिबि खोलोबा थानाय शुक्रवारखालि दर 21 रज्ज्यो

गिबि मन्थि केजरिवालनि केसआव इडिया सुप्रिम कर्टआव हालफनामा गथायदों

गोदान दिल्ली, 25 एप्रिल : जौ गेना-खान्थि केसआव हमाजानाय दिल्लीनि गिबि मन्थि अर्धिन्द केजरिवालनि जेनाफोर जोबनायनि लामायाव फेनायखौ नुनो मोनाखै। गोबां खेब जाभिनिन आर'जलाइआ नेवसिजानायनि उनाव इडिआ बुधवारखालि सुप्रिम कर्टआव मोनसे हालफनामा गथाइयो। बेयाव इडिया कर्टनो फोरमायदोंदि, केजरिवालआ गावनि आखुजों नायबिजिरगा बिबानगिरिनो गावखौ मारि लन्ड्रिनि दायनिगिरि होन्ना दिन्थदों। इडिनि गिबि मन्थि केजरिवालखौ हमा लानायनि हेथायै चेलेन्स होनाय बिथानि आर'जलाइनि सायाव इडिया फिनाय होनानै हालफनामायाव बुंदोंदि, आपनि दैदेनगिरिया मोन 9 नटिस दैथाइ हरनायनि उनावबो नायबिजिरगा बिबानगिरिफोरनि खाथियाव नुजाथिया लासे जेरा सेबनायनिफ्राय जानगाराव थादोंमोन। दायनिगिरिया गावनि बेबायदि आखुजों



हमनांगौनि गोनांथिखौ गोखोंसिन खालामदों। हमा लानायखौ चेलेन्स होनाय केजरिवालनि आर'जलाइखौ गुण गैये आरो नेवसिजाथाव होन्ना फोरमायनानै इडिया बुंवावदोंदि, जाय जाहोनाव बिथांखौ हमाया जादों बै जाहोनाफोरखौ गुबुन गुबुन कर्टफोरा नायसदों। हालफनामानि सायाव फिनजाथाइ होनानै आम आदमी पार्टीआ इडिया नंखाय बुंनयानि मेशिन जानानै फैबाय होन्ना दाय जाबसिन्दों। इडिया बुंवावदोंदि, बे

इज्राइलनि रौनियाफोरा राफानि फारसे आवगायदों



जेरु सालेम, 25 एप्रिल: इज्राइलनि रौनियाफोरा राफानिफ्राय फिलिस्टाइननि रिफु जिफोरखौ दिहुननो आवगायगासिनो दं। बेनि उनाव बैयाव थाखोमानाय हामास उदखारिफोरनि बेरेखायै राहा लागोन। बे फोरमायथिखौ इज्राइलनि सासे गागि रौनिया मावख'गिरिया फोरमायदों। इज्राइल सरकारनि सासे बुंथिगिरिया बेखौबो बुंदोंमोनदि, रौनिया हान्जाया राफायाव हानि अपारेसननि थाखाय सिगाथिं आवगायगासिनो दंमोन। नाथाय बिथाड बैयाव हाबा मावनायनि सान आरो समखौ खोन्थानो राजि जायखैमोन। फ्राय 1.4 मिलियन न' गैजायै फिलिस्टाइननि सुबुंफोरा राफायाव आश्रय लादोंमोन, आरो हेफाजाबगिरिफोरा इज्राइलखौ सांग्रां खालामदोंमोन,

इज्राइलआ लेबानानअड्राव स्केटजों गोखोडै गाग्लोबदों

तेल अहिब, 25 एप्रिल: इरानखौ हेफाजाव होग्रा आफाद हिजबुल्लानि गाग्लोबनायनि उनाव इज्राइलआ बेनि सायाव गोखोडै स्केटजों गाग्लोबदों। खोला लेबानाननि मोनसे ओन्सोलाव गोखों बमा होनानै गाग्लोबो, जेराव गोबां न'-बांफोरा ख'हा जायो। इज्राइल डिफेन्स फर्सस (आइडिएफ) आ फोरमायदोंदि, बुधवार सानजौफु समाव गावसोरनि सान्थि हान्जाया लेबानानआव उतखारि आफाद हिजबुल्लानि मोन 40 केम्पफोराव गाग्लोबनानै सिलिंखार खालामदों। गावसोर खोला लेबानाननि आयता रक सब ओन्सोलाव बमाजों गाग्लोबदोंमोन आरो बेयाव इज्राइल अखांमा सान्थिनि दावहा नांग्रा जेट आरो आइडिएफ कामान्डफोखौबो बाहायदों। आइडिएफनि बायदिब्ला, गावसोर हिजबुल्लानि दोनथुमग्रा सुबिधाफोर, हाथियार आरो उतकारि गुदि बिथा, ओन्सोलाव आफादा बाहायनाय गुबुन मिरुफोरावबो गाग्लोबदों। गावसोरनि बे गाग्लोबनाया सिमना ओन्सोलाव हिजबुल्लानि गुदि बिथाखौ



सिलिंखार खालामनो नाजानायमोन। मख'जाथावदि, हिजबुल्ला उतखारिफोरा गावसोरनि हाबाफारिनि थाखाय आयता रक सब ओन्सोलखौ गोखोडै बाहायो आरो बेयो बे ओन्सोलाव आफादिनि गोबां उतखारि जोन्थोर आरो गुदि बिथाफोरखौ थिसनानै दोन्दों, जायनि थांखिया इज्राइल। गाजायाव हामासनि हेथायै दावहाया जागायनायनि उनाव हिजबुल्लानि इज्राइलआव नोगोरारि थानाय मिरुफोरानो सायख'ना थांखि खालामा लासे जेराव-मेरावनो स्केटजों गाग्लोबदों। फारसेथिं इज्राइलआ मोनसे जिंगा खालामदोंदि, इरानआ दावहानि समाव जायखिजाया आयदायावनो गोखों दावहा सोमजिखांहोना आरो इज्राइल

सान्थिखौ गावसोहोना थाखाय मोनसे गिदिर गाग्लोबनाय हाबाफारि लानो हागौ। दावहाया जागायनायनिफ्राय सा सिमना ओन्सोलाव नुजाथियाव खेफोदिनि जाहोनाव इज्राइलनि सा सहरफोरनि रोजा रोजा थागिबिफोरा गावसोरनि बिथा नागरानानै खारनो गोनां जादों।

स्ट'रफोरनि इ-बायनाय
इ-डेन्वर नं: एनवि 245174, अक्ट: 23-04-2024; गावयाव होनाय हाबाफोरनि थाखाव मुंसायगिरिआ इ-डेन्वर हांखावदों। एएसएन: आइएएन फोरमायथि: एएसएनवि यन्त्राफोरनि थाखाव ग्रेक सिलिंखारखौ हेन्ड केरनि का खालामनाय। एएसएनवि यन्त्राफोरनि थाखाव पादं नं. एएसएन नं 23-04-2024। एएसएन नं 23-04-2024। एएसएन ग्रेक एका ग्रेक सिलिंखारखौ हेन्ड केर एएसएन (गिबिगिरिफ्राय 254-130)। पादं नं एएसएन फारथैल पादं नं 4 एएसएन 125187 डिआरनि बायदिने नं केबिआ पादं नं 11 82516/1204 स्पेक: केबिआ पादं नं केबिआ पादं नं 11 82516/1204 ग्रेक/बे: अरएय। पिएल नं: 335101660015। अन्विमा: मोन 16: ई बायहर रथ 1: एएसएन इ/सिएलएएस/बिजि/एनबिकिजरास,एनएफआर(आसाम); थिखानाय बेसेन: 44-36,800/- रं। अस्मि मं: 88,740/- रं; इ-डेन्वरआ 14-05-2024 अक्ट:नि 14:30 थियाव चन्द जागोन। गोजीयाव फोसावनाय अन्वि फोसावथिखौ लोगोसे डेन्वर लाइखौ वेबसाइट www.ireps.gov.in आव मनौ हागोन।

केगुटि डिप्टी कमिश्नर/डी.डी. क्वार्टर/हादतवा सान-सान्था डिप्टी डेवै
मिनिसुथि गाहकफोरनिगिरि थियाय

दिनैनि फान्जामुथि

राशि बाइदियै मुनि गिबि हांखो
मेष : अल वृष : ऊब (उ ए इ) मिथुन : क छ (ड घ)
कर्कट : ड ह सिंह : म ट कन्या : प ट (ण ष)
तुला : त र बुशिक : ब न धनु : ध भ (ढ फ)
मकर : ख ज कुम्भ : ग श (स) मीन : द च (ख ज झ)

- मेष:** सोरबा आंगोन सुबुं फेनो हागौ। गोसोखौ गोजोन मोनगोन। मोजां सान।
- वृष:** जेरावबो थाथेरनो हायै गोसोनि जालानो हागौ। गोसो हमाथानानै सोलिनांगोन।
- मिथुन:** जेरैबो रंजा-बाजा खालामनो हागोन। नख'रआव गोजोन्नाया थाबाय थागोन।
- कर्कट:** जेबो जेना-जैसि गैयै शान्तिथै थानो हागोन। गोजोनै सम बारहोना हागोन।
- सिंह:** माबाफोर मोनो गोनां मोन्थाइफोर दड'बा मोनो हागोन। गोसोखौ गोजोन मोनगोन।
- कन्या:** लोगो जालायनाया बांगोन। लोगोनि सोमोन्दो थानया गोरा जागोन। मोजां सान।
- तुला:** बबेबा गोजान जायगायाव दावबायहैनो मोनो हागौ। गोजोन्नायखौ मोनगोन।
- बुशिक:** नख'रनि संसार जानायाव गोजोन्नाय गैयै सोमजिनो हागौ। गोसोखौ हमाथानानै थानया गाहाम।
- धनु:** सुखु-गोजोनै थानो मोनगोन। फाफ्रोमथिंभो मोजां।
- मकर:** माबा मोनसे मुवा-बेसाद गोमानो हागौ। गोसोखौ शान्ति मोननाय नड।
- कुम्भ:** जेखि जाया मानो गोथार खामानि मावनो हागोन। बे राशिनि थाखाय गाहम सान।
- मीन:** सान्नाय-हनाय गासैबो फेलें थानो हागौ। मोजां खामानियाव आगान दाहो। गोसोखौ हमाथा।

आमेरिका आरो ब्रिटेननिखुइबो समायनासिन हादर, बाडइ बाजेटआवनो दावबायनो हायो

गुबुन हादरआव दावबायनायनि बाश्रा साननानै जोबोद रंजाखानाय मोनो। नाथाय बिरखंफोर आरो हटेलफोरनि बेसेनखौ नायनानै बाजेटआ माब्लाबाबो सिगांथिं थड आरो जुदि नोंथाड ससासेनि बिथांखि लायोब्ला रांबावजानि आंखाल नुजाथियो। नाथाय दरसे हादर दं, जेराव नोंथाड बाडइ बाजेटआवनो दावबायनायनो हागोन। समायनानि बेलायाव बेयो आमेरिका आरो ब्रिटेननि जायखि-जाया जायगानिखुइ बाडइ नड। नोंथाड बेयाव दावबायनानै गोजोनै सम बारहोनो हायो। बे जायगायानो जादों- भुटान। बरफ गोनां हाजोमाफोरजों बेंखनजानाय बे साखोन-सिखोन हादरआ। बेनि समायनाया नोंथानि गोसोखौ गोजोनहोनायजों लोगोसे मुजिहाबहोगोन। भुटानआ दरसे गिदिर हादर नडबो जानो हागौ,



लानांगोन। बे खरंनि बुमिनसारआ दावबायारिफोरखौ गोसो बोहोयो। बेनि अनगायैबो चुजमआ माखासे सम थानो थाखाय मोनसे मोजां जायगा। जेराव मोननै दैमाफोर हाजोफोरनि गेजेराव लोगो मोनो आरो मोनसे समायना नुथाय नुनो मोनो। नाथाय पार'नि गाहाइ गोसो बोनो हानाया टाइगर

आबहावाया दावबायारिफोरनि गोसोखौ गोजोन्यायजों बोदोर जाहोयो। सिगाडव भुटाननि राजथावनिआ पुनाखामोन। राजथावनि थिम्फुनिफ्राय पुनाखासिम थानाय लामायाव भुटाननि बयनिखुइबो मुंदांखासिन पास-डचुलाखौबो नुनो मोनो। जेराव नोंथाड मोनसे एबा मोननै नड नाथाय गासै

सुबिदाफोरखौ मोनगोन। लाकजारी हटेलनिफ्राय लानानै रेस्टुरेन्ट, क्लाबफोरसिम, बैफोर गासैबो बेसादफोरखौ बेयाव मोन्नो हायो। जायखौ दावबायारिफोरा गुबुन हादर दावबायनाय समाव मोन्नो हास्थायो। बेनि अनगायैबो बेयाव 170 फुट गोजौ बुद्धनि मुसुखाया हादरनि गोमनाय। जायखौ थिम्फुआव जेरावबो नुनो मोनो। हाजो सायाव थानायनि जाहोनाव सुबुंफोरा वेवहाय ट्रेकिंआव थाडे। जुदि नोंथाड गोजाम मुवाफोरखौ मिथिनो मोजां मोनो, अब्ला हेरिटेज म्युजियमखौबो नायनो हायो। जेराव गोदो-गोदायनि हाथियारनिफ्राय लानानै आबादारि जुन्थियारि, ओंखाम संग्रानि बेसादफोर नुनो मोनगोन।

भुटान दावबायनो थाखाय बयनिखुइ साबसिन बोथोरआ मार्चनिफ्राय मेसिम जायो। नाथाय जुनआवबो बेनि बोथोरा गोजोनथाव। सेप्टेम्बरनिफ्राय नभेम्बरसिम वेवहाय गुसुआ गोबांद्राय जायो। बेनिखायनो दावबायनायाव गोबां जेनाजों मोगा-मोगि जानानो हागौ। बेनि समायनाया गोलोम बोथोरनि दानआव थिखिनियाव थायो।



नाथाय दासिमबो वेवहाय दावबायथिलि जायगाफोरनि आंखाल गैया। बेयाव एरैबादि माखासे जायगाफोर दं, जेराव दावबायनानै नोंथाडजेनिबो आंखाल मोन्दनाय नड। बेफेर जायगाफेरनि सोमोद्वै मिथिनानै ला-
पार': बे सहरआ दावबायारिफोरनि गेजेराव जोबोद मुंदांखा। नोंथाड भुटाननि राजथावनि थिम्फुनिफ्राय 50 कि:मि:सो दावबायनानै बेयाव सौहैनो हायो। पार'आव दावबायोब्ला गोबां धोरमयारि थावनिफोर आरो जारिमिनयारि बिलिडंफोर नुनो मोनो। पार' नोगोरआ हायेनफोर आरो समायना बौद्ध बुमिनसारनि गोरोबलायनाय। मिथिंगायारि समायनानि अनगायैबो पार' नोगोरआ गावनि गोजाम खरं पार' जनि थाखायबो मुंदांखा। दंफां आरो अन्थाइजों बानायनाय बे खरंआव नोंथाड जेरावबो आसुगुर नुनो मोननाय नड। बे खरंआव हाबनो थाखाय टिकेट

बासा। बेनो भुटाननि सिनायथि। बे मनेस्ट्रआ बौद्ध भिक्षुफोरनि थाग्रा खुलि। बेयाव सौहैनो थाखाय ट्रेकिं खालामनांगोन। गोजौआव सौहैनानै नोंथाड भुटाननि मोनसे सोमोनांथाव नुथाय नुनो मोनगोन।
पुनाखा: बे जायगाया भुटाननि राजथावनिफ्राय 70 कि:मि: गोजानाव दं। जेराव मिथिंगायारि समायना आरो गोजोन

108 स्तुपाफोरखौ जयै नुगोन। बे जायगाया गावनि समायनानि थाखाय मुलुगनाडैनो मुंदांखा। फ्राय 10,000 फुट जौथायाव थानायनि जाहोनाव वेवहाय जोबोद गुसु जायो आरो गोजां बोथोराव आरोबाव जोबोद गुसुसिन जायो।
थिम्फु: थिम्फुआ भुटाननि राजथावनि। जायनि थाखाय नोंथाड वेवहाय मोनफ्रोमबो




सानफ्रोमबो प्रफेसनेल लाइफआव बाहाय-जानाय मोन 10 सोदोब आरो बेनि ओंथि

जिउखां राहानि थाखाय हाबा मावनाय समाव सानफ्रोमबो जो माखासे सोदोबफोरखौ बाहायो। बेफोर सोदोबखौ आथिखालाव बांसिनै सुंद थै बाहायनाय नुनो मोनसै। बेनिफ्राय मेसेज दैथाइहरनायाव गोरलै जानायजों लोगोसे समखौबो खम नांगौ जायो। गुबुन गुबुन मावख'आव मावग्रा मावफारियाफोरा इअडि, अअएम एबा केआरए बायदि माखासे सोदोबफोरखौ सानफ्रोमबो बाहायसै। बेफोर सोदोबखौ बाहायग्राफोरनि गेजेराव नाथाय गोबांआनो बेनि गुवार ओंथिखौ मिबिथयाबो जानो हागौ। बेबायदिनो सुंद थै बाहायजानाय माखासे सोदोबफोरनि गुवार ओंथिखौ दिनें जों मिबिथिहोनो

आखायाव लादों।
1. इअडि: बेनि गोलाव सोदोबा जादों इन्ड अफ दा डे। प्रफेसनेल लाइफआव बेखौ खामानि मावनायनि समा आबुं जानायनि उनाव मिबिथिहोनो थाखाय बाहायनाय जायो। जेरै सासे मेनेजारआ इमफ्लइ एबा मावफारियानो बे मेसेजखौ दैथाइहरनो हायो। अननानै बृहस्पतिबार इअडि सिमाव नॉनि वार्क रिपर्टखौ ज'मा खालाम होन्नानै बुंनाय जायो।
2. इअएम: बेनि ओंथिया जादों इन्ड अफ मेसेज थामहिनबा मेसेजआ बेसिमल'मोन। बेखौ इमेल, मेसेज एबा गुबुन लिरनानै दैथाइहरनाय खौराडव बाहायनाय जायो, जायजों उनि बिलाइखौ बोदलानो एबा बेखौ उन फारसे

दंबावो होन्ना साननांगौनि गोनांथि जाया।
3. केआरए: बेनि ओंथिया जादों के रिजाल्ट एरिया एबा के रेस्पन्सिबिलिटी एरिया। सोरबा मावफारियानि जब पजिसन आरो डिउटि, बे टार्मआ बे बाहागोखौ दिन्थियो, जाय मावफारियानि बिबानखौ थि खालामो।
4. एफवाइआइ: बेनि आबुं सोदोबा फर इउयार इनफर्मेशन। सोरनोबा माबा मोनसे मिबिथिहोनांगौब्ला मेसेजआव सुंद'थै एफवाइआइखौ बाहायनानै खौरांखौ होनाय जायो। प्रफेसनेल लाइफआव बांसिन सुबुंफोरा बे टार्मखौ आथिखालाव बाहायसै।
5. एएसएएफ: बेनि फुल



फर्मआ एस सुन एस पसिबल, जायनि ओंथिया जादों हागोमानि थाबैनो। बेखौ प्रफेसनेल लाइफनि अनगायै पार्सनेल लाइफआवबो गोबां बाहायो। जेब्ला बबेबा मुवा एबा खामानिखौ थाबैनो मावफुंनो

रंजालि गथ'फोरनि सौरा

सन्देह'

सनदेह'आ गोसोनि गोथारथिखौ फोजोबसाडे सनदेह'आ गोसोनि दिदोमथिखौ फोजोबसाडे सनदेह'आ फोजोबसाडे खौसेथि आरो अनलायनाय सनदेह' खालामनायनि अनगा नों मोजाइमिथिना ला।

सनदेह'आ फोथायलायनायखौ बुथारो सनदेह'आ गोथार सोमोन्दोखौ फोजोबसाडे, रजेजों अनजालिनि, बिदा फंबाय-गौथुमफोरनि आरो खौसेथिनि सोमोन्दोखौ फोजोबसाडे सनदेह'आ।

सनदेह'आ समाजआव गेना लाबोयो सनदेह'आ लाबोयो दावहा आरो जोबसांनय ; गुमुर गैयालासे बेखायनो नागार - सन्देह' खालामनो सनदेह'नि अनगायै सैथोखौ मोगथाडव लाबोनाया गोनंथार।

-गलाप खुंगुर बसुमतारी कक्राइर

नेवसि जानाय गोसो

बे मोजां मोननाय नि गेजेराव नडमोन आं दायनि गिरि। लानांबाय दायखौ रुजुनानै आं, नागार लांबायनो आंखौ! अब्लाबो नोंखौ गोसो खानानै लिरो आं हरखि सान लाभ लेथार नोंखौ गोसो खानानै सुजुयो आं खन्थाय रायथाय। फोरमाय हरनो सानोमोन नाथाय गैया रावनिबो हेफाजाब, साया माया गेले फैबाय थायो नों आंनि बिखायाव। लाबाय आं नॉनि मुंखौ बिखायाव सोनानै। अराय जिउनि थाखाय गोसो खांबाय थायो आं नॉनि महरखौ नाथाय नुवा आं मोकथांआव नॉनि महरखौ लाय।

मुश्री गोंसार नारजारी गामि-खाथाल गुरी

महर बोगोरि

महर बोगोरि आं बे मुगानि हागोनदा आंखिनो- गोसो गोर्बेनि सान्नायखौ- ? सानो आं गोसोनि बाश्राखौ फोरमायनो सुबुं लैथोनि बिखायाव रान्ना होनो नाथाय सोर मिथिनो ? आंनि थुलिखानि रावखौ- सुबुंनि नोजेराव जीउ गैथै आं सैना दोन्नाय गंसे सावगारीसो रायदावगोन सोर आंखौ ? मिथि मोनगोन दा- ? थुलिखानि खायलें खुइलें बोनाय राव गैथै सावगारीनि गाबखौ। नाथाय बेयावनो थाखोमादों गासै आंनि- सुबु-दुखु गाबनाय मिनिनाय मॅनाय-बानाय। हे ! सुबुं माहारि- अननानै नाय नुनो मोनगोन सान्नानै नाय बुजिमोनगोन रायज्जालानानै नाय राव मोनगोन दानानै नाय साखाथियाव मोनगोन आगानफ्रोमबो दावगालांनयाव आं थुलुंगा मोनगोन।

श्री पबिब बसुमतारी कक्राइर मिडजिक एन फाइन आर्ट कलेज।

थुनलाइ लिरगिरि

मान मोनगोन सनमान मोनगोन लाइमोनफोर लाइमोन समाव जानो हायोबा नोंसोर थुनलाइ लिरगिरि

-रैदोम बर', बाक्सा

बर' सिख्ला

बर' सिख्ला हारिया नॉनानो गिदित दाथानो बावगोमानानै गावनि मै-रं गावनि महरखौ। अनसुलि बैसोमुथि बिमा, सीता सतिनि नेरसेनखौ दाबावगारलां, हारिमुदनि बिमा जानानै दाग'संनो खोमसिनि हाख'राव। गोजौ हाजोआव गसंनानै दिन्थिनो नाजानो जेब्लाबो नॉनि असे मुथिखौ। दालाबो नों गोसोआव नेवसिनाय गावनि महर मुश्रीखौ लानानै, दासान नों मोजांसिनखौ मोननो सिखिरिनि गां फुवारनाय महरखौ नुनानै, दावराइ मोखेब, फारौ मेगन गानजों दानानै दख्खा। सिखिरि मोसानाय, दावराइ मोसानाय एरनानै जोमनो सादोर मोसाफै नों बैसागु बोथोराव बा-गु-रु-बा' सिनायथें नोंखौ बर' सिख्ला होन्नानै।

मुश्री मिथिसार बसुमतारी गामि- 2 नं सियालमारी ला:सो:- सियालमारी जिला- कक्राइर बि टि सि आसाम।

सिमां

नुदोंमोन आं समायना मन्दिर लुनाय लुदोंमोनबो आं गंसे समायना मन्दिर। गैया नाथाय फोसाबनो आंनि समायना मन्दिर जानांबाय दिनें सोमखे आंनि सिमानि समायना मन्दिर। जावदोंमोन आं गंसे जिउ दिड गुवार लैथोनि गेजेरजों नाथाय मेगन गोसा बार मोदायआ बुसोमना खोमाबाय आंनि आखायनि गंसेल' लोरिगिखौ। जानांबाय आं लैथो गेजेरनि लोरिगि गैथै आनदायनाय दिडरि नुदोंमोन आं बिबारनि बागानाव बारसे समायना बिबार। जादोंमोन आंनि गोसोआ, लुबैदोंमोन आंनि गोसोआ समायना नों बिबारजों लायनो नाथाय सोरगिदिं गासिबो..... गिलु बालु सुनि वॅनाय मन्त्रेहाय फोलावनो आखाय हायासै आं समायना बिबार नोंखौ लायनो हास्थायनाय जारिमिन सिमां महर जालांबाय।

मिस रोमै मसाहारी कासिबारी।

लक्षेश्वर ब्रह्म

मा जाखो ? मानो एसे थाब फैफिनखो ? माथो दिनै हिन्जाव हारिखौ जांछि खांहोनायनि माबा मेथें दंमोन ? बिनारामनि हिन्जाव बालाथिया फिसाइखौ सोडे।

बिनारामआ थਾਂदोंमोन बिजनीनि साहा थानाय लाउगामि होन्नाय गामि दरसेयाव। सिख्ला-बुरै गोरों रोडै जायगानि हिन्जावफ्रा दिनें ख'बां जादोंमोन। जायगानि हाटुंगोरा, लेखा गोरों मानसिफोरखौबो लिंहरदोंमोन ख'बाडव हेफाजाब होनो। बिनारामआबो बिखायनो थਾਂदोंमोन।

साथामसो गुबुन गुबुन बुंग्राफा बुंखांलांनायनि उनाव बिनारामआबो बुंनो सिखाडसै ख'बाडव। हाइस्कुलनि फोरोंगिरि हिसाबै बिहाबो बुंनो गोनां बाश्रा दं फंनैसो। बुडे बियो हौवा हारिल' गोरों गोरा जाब्बा जाया। हारिखौ गोजौ जांख्लायाव गाखो होनोब्ला हिन्जाव हारियाबो जाखांबोनांगोन, जान्चि खाफ्रा नांगोन आरो हौवा हारिनि समान जांछि खांबोनांगोन जेब्लाबो, अरायबो आगोलसागनि गेजेराव दिनें बर' हारियाल' गोरलैसोनानै दड'। बिखायनो बे हाखर गोथोआव गोरलैसोना थानाय हारिखौ बोखां बोनो बर' हिन्जाव हारियाबो ओंखार बोनांगोन। उखुन्दै नांजोबनाय न'सिंनिफ्राय। हिन्जाव हारिफ्राबो नेर्सन गोनां जानांगोन।

बिनारामआ आरो बुंवावनो हायाखिसै। ख'बांनि दाबसे ख'नाथि खाफाल खेबनानै हाथासि मोखाडैजिंगायल' ज'बाय थानाय नुनो मोनो बिनारामआ अमासिनि मोखांखौ। बियो आरो आफ्पादआव ज'नो हायाखिसै। आफ्पादगिनियल सॉनानै न'अव फैंफिन्नायसै बिनारामआ साइकेलाव हाखु-दाखु गाखोनानै अमासिनि अनगायै हयथ' रावबो मिथियाखिसै ख'बांनि मानसिफ्रा दिनें मानो ख'बांखौ नागरानानै थाबनो थांखो बिनारामआ।

बालाथिया मिथिनो हायाखै हं थेफुं:दिनें मानो आफ्पादनिफ्राय फिसाया थाब फैफिन्नो गोनां जाखो। एवा मिथिनो मोना बियो अमासि आरो बिनारामनि गेजेराव दोंसे गोलाउ सल' दड' होन्नानै। नाथाय दिनें बियो नुनो मोन्दें। फिसाइनि मोखांखौ गामाखालिनिखुइ एसे दझायै।

अमासिनि खोमसि मोखांखौ नुनानै दिनें थारेंनो बिनारामनि मोखाडव सिखौद मोनखाडे। बेसेबा गोबाव बियो अमासिनि महर मोखांखौ नुवाखैमोन एवा नुनोबो लुबैयाखैमोन। अमासिनि खौरं खोनायोब्ला बियो गोजाननिफ्राय एराय खायोमोन। नाथाय दिनें ख'बाडव नुनानै बिनारामआ गावनो गोमो हाबबाय। बिनि मुसुखाया रोखा जाखांफैयो-बिनि गोसो मेगनाव। अमासिनि मोखाडव दिनें बियो नुनो मोन्दें अमासिया जेन' संसारनि माया जिरादखौ एंगारजोबबाय। बियो जेन' माबा बुंनो सान्दों एबा बबि जानानै बालागुदुं संसारनि दाहा-हांमाखौ गावनि जिउ थसेयावनो लाखेमा जोबनो सान्दों।

बिनारामनि गोसोआव बेरखांफैयो बेसेबा बोसोर सिगानि बाश्रा। अमासिनि मुसुखाया जाखांफैयो बिनि गोसोआव।

अब्बा बिनारामआ हाइस्कुलाव फराय्नाय संश्रासा जोहोलावमोन। बबेबा दुफां बोथोरनि रबिबार। बेलासे सम। मा खालामगोन मा मागोन आलां-फलां गोसोयै थाबाय बिनारामआ अमासि मोननि लांगोनायाव सहैयों। अमासिया फेंगौ रंजालि बैसायआव बिनाराम्गुनो हरनो थाखाय हिसान सालियाव फालि दाबाय थदोंमोन। अमासि ? माखौ जिगाजिदों नों ? बिनारामआ अमासिखौ बुडे। अमासिया गाव उन्दुग्रा न'नि साथिंजाय थानाय

- (□ 1 बिलाइनिफ्राय)**

ख़° हिमन्त विश्व शर्मानि मानखौ गाजि खालामनोसो बेरेखा दोलोआ बानसावदों

सरकारआसो लाबोदोंमोन। १९६४ निफ्राय १९७० सिम गेजेर गेजेर चाकमा, हाजं सुबुंफोरखौ अरुणाचलआव फसंथाइ होनाय जादोंमोन। नोगोरारि सोदांनाय आइनआ गनायथि मोनबाय। जनजातिआदि रइज्यो महरै अरुणाचलआव 'का'नि गेजेरजों नोगोरारि मोन्थायखौ मोना बेनिखायनो नख'र मन्थ्रिआ अमित शाहजों सावरयनानै चाकमा, हाजंफोरखौ अरुणाचलनि सोलायै गुबुन ओन्सोलाव फसंथाइ होनो थाखाय दाबि देख्नानायसे जादों। मन्थ्रिआ फोरमायबावनाय बायदिब्बा, आसामनि गिबि मन्थ्रि ख़° शर्मानिसिम आर'ज गाबनाय जादोंदि, चाकमा-हाजंफोरखौ फिन फसंथाइ खालामनो थाखाय जेसेबां हायो हेफाजाब खालामनांगौ। ख़° हिमन्त बिश्व शर्मांआ आसामनिल' गिबि मन्थ्रि नइ बिथाड नेडानिबो सासो गोखों हंखायगिरिमोन। बिथाड सा-सान्जा रइज्योनिनो सासे गागि गिबि मन्थ्रि। जों बिथांखौ चाकमा, हाजंफोरखौ फिन फसंथाइ होफिन्नो थाखायसो हेफाजाब बिदों। भारत हादतनि गुबुन रइज्योआव बिसोरखौ फसंथाइ होफिन्नो मोनसे अप्पन नागिरानानैसो खावलायनाय जादों। मन्थ्रिआ फोरमायबावनाय बायदिब्बा, गाव गिबि मन्थ्रि ख़° शर्मांखौ चाकमा, हाजंफोरखौ आसामआव फसंथाइ होनो थाखाय बुडाखै। मन्थ्रिआ चाकमा, हाजंफोरखौ हादतनि गुबुन गुबुन रइज्योफोराव फसंथाइ होनो थाखायसो खावलायदों। चाकमा, हाजंफोरा अरुणाचलआव रइज्यो जाबाय थायोब्ला, बिसोरनि गेजेराव दावरव-दावसिआ सोमजिबाय थागोन। आइन हिसाबै बिसोरो अरुणाचलआव नोगोरारिनि मोन्थाय मोना। अरायथा नडै नोगोरारि हिसाबैसो अरुणाचलआव थानो हागोन। चाकमा, हाजंखौ कंऱेसआसो अरुणाचलआव फसंथाइ होदावनानै गोरोन्थिखौ खालामदों। बे बिसायख'थि समाव ख़° शर्मानि मानखौ गाजि खालामनो थाखायसो बबेबा मोनसे दुथां हान्जाया नंखायै फोसावदिदों होन्ना मन्थ्रिआ अजद दैखाडे। मख'नो गोनांदि, बांलादेशआव धोरोमारि बेलेबेजे सोमजिनायाव १९६४ निफ्राय १९६९ माइथायाव भारतसिम फैनाय चाकमा, हाजंफोरा अरुणाचलआव रिपिउजि महरै थाबोगासिनो दड'। नोगोरारि सोदांनाय आइनिन गेजेरजों अरुणाचलनि गासै ५ लाख चाकमा, हाजं रिपिउजिफोरखौ आसामआव फसंथाइ होनो मिरु मन्थ्रिआ नाजाखोमादों होन्ना आसामनि माखासे दोलो-आफ्पादफोरा अजद होनायनि हेंथाये मिरु मन्थ्रिआ रोखा खेंफोरथि होनायखौ नुनो मोन्दें।

फैगौ २८ एप्रिल, १ आरो ३ मेआव गिबि मन्थ्रिआ कक्राझारआव बिसायख'थि ...

बाहागो लागासिनो दड'। खौरं मोन्नाय बायदिब्बा, फैगौ २८ एप्रिल, १ आरो ३ मेआव बिसायख'थि फोसावदिंनो थाखाय गिबि मन्थ्रि ख़° हिमन्त बिश्व शर्मांआ दावबायफैगोन। बेनि गेजेरावनो उंथि खोलोबआव खुंफुंजानो गोनां लकसभा बिसायख'थिनि खुंथाइ दोलौनि एनडिएनि बिजाथि जयन्त बसुमतारिआ थाद'नाय गैया लासेनो बिसायख'थि फोसावदिंनायाव मुखुब जानानै दड'। एनडिएनि बिजाथिआ फुंनि समाव कक्राझार सहरनि जारिभिनारि शंकरदेब नामघरआव आरो कक्राझार राजमेला फोथाराव थानाय नामघरआव भगवान श्री कृष्णखौ सिबिथाइ होनानै बिसायख'थिखौ देरहानांगौनि थाखाय आसिरबाद लायो। बेनि उनाव बिजाथिआ कक्राझार सहरजों नांजाबनानै थानाय दाउलाबारि साहा बागानआवबो नुजाथिहैनानै साहा बिलाइ ख्राफ्राफोरजों लोगो हमज्लायहैयो। बे हाबाफारियाव साहा बिलाइ ख्राफ्राफोरा बिजाथिनाव मुजिराखौ बांहोनाय आरो हा पाट्टा होनांगौनि दाबि दैखाडे। मख'नो गोनांदि, एनडिएनि बिजाथि जयन्त बसुमतारिखौ साहा बागाननि मुजिरा मावग्राफोरा रावबो सिनाया। खौरं बिजोंनि सिगाडव बिजाथि जयन्त बसुमतारिआ गावनि देरहासारनाया १०० जौखोन्दो रोखा आरो एनडिए हिसाबै ७० जौखोन्दो भट मोन्नाया रोखा होन्ना दाबि दैखाडे।□

कंग्रेस–अजापनि मददगिरिफोरा बि जे पिआव..

होन्ना गावसोरखौनो फोरमायनानै लायो। बेनि अनगायैबो आसाम जातिय परिशदनि सा ११ सोद्रोमाफोराबो बिजेपिआव जइन जायो।

मख'नो गोनांदि, आसाम जातिय परिशद'आ बरपेटा लकसभा बियाबआव सिपिएमनि बिजाथि मन्रन्जन तालुकदारखौ हेफाजाब खालामबाय। बेजों लोगोसेनो पाताचारकुचि नोगोर आफ्पादनि बारा' वाडै कमिशनार एबा कंऱेसनि गागि दैदेनगिरि थिराज कलित्ताआबो बिजेपिआव हाबो। बे दोलोआव हाबनाय हाबाफारियाव बारा' पुलिस बिबानगिरि हितेश पातगिरिआबो बिजेपिआव हाबो। बिजेपिनि बजाली जिल्ला मावख'आव खुंफुंनाय बे दोलोआव हाबनाय हाबाफारियाव बजाली जिल्ला बिजेपिनि आफ्पादगिरि नगेन चौधुरि, जिल्ला लोगो आफ्पादगिरि किश्वर देका, पराग तालुक्दारजों लोगोसे गोबां बिबानगिरिफोरानो बाहागो तानो हानायखौ नुनो मोन्दें।□

हिसानसालियाव दिंखिया आगर खाना नांनयखौ सजुनो नाजादोंमोन। न'आव रावबो गैयामोन। बिफ्रा बुदेल महाजोनआ सोरनावबा थਾਂदोंमोन जाबायनो। बिमायाबो मैंग नागिरनो थਾਂदोंमोन बबावबा।

“आं जेबो जिगासियासै” होन्नानै मिनिस्तु मिनिनानै मासि गंसे बोश्रोदनानै होयो बियो बिनारामनो। “बिजिफिसाइखे ज'रायनोसे नागिरदोंमोन आं। अ' अदाय दानिया जॉनाव फैंनो बावबायनो आदया जौहाखौ मानोबा गाजि मोन्दें नंदां।” अमासिया बुंवाववो।

“आं नोंझाखौ एबा नोंखौ जेबो गाजि मोनाखै अमासि। नाथाय।”-मा नाथाय,-

“नाथाय आंहा गोसोआ दासान्दि सुखु गैया। आइ आफा थानाय मोनब्ला एबा लाइ-लथर थानाय मोनब्ला आं मालाइनाव “टिउसन” खालामै खालामै लेखा फरायनो नाडामोन। आंहा मेट्रिक पास खालामनायनि उनाव। आरो फरायनाय जानाय नंला। हास्थायनानै मा जानो-खाफालाव लिरनाय गैयाब्बा।”। बिनारामआ हांमा गोलाउ सुरो बुंनानै!

अमासिया हिसानसालिनिफ्राय सिखारनानै गय खावहैयो आरो बिनारामनो होफैयो।...न'आव दिनें रावबो गैया। गोसोआव थिना होन्नाय बुंनो नंब्लाबो बुंनो हायै बेसेबा बाश्रा बिहा बुंनो गोनां दं बिनारामनो। बिनारामखौ गोसो थोयो अमासिया। गोर्बॉनिफ्राय मोजों मोनो। नाथाय बुंनो हाया सिरि सिरि गाव मोजों मोन्नाय सिंनि रादाबखौ बिनारामनि सिगाडव। लेखा गोरोंब्ला हयथ' लाइजाम बिलाइ लिरनानै बिनारामनो गावनि गोसोनि बाश्राखौ फोरमायनो हागोंमोन। गोसोआव बौरैबा मोनखाडे बिहा बिनारामनि बाश्राखौ खोनानानै, बुंनो सानो बियोदि बिनारामनो मोनब्ला गावनो कलेजाव फरायनो रां हरगौ

होन्नानै। नायल' जाल' गाव हारसिल'। बिदा बिनानाव आरो बिहा रावबो गैला। बुदेल महाजोननि फिसा होन्नानै बुंनो थाडेब्बा खालि अमासिल'। नाथाय माबौरै बुडे बियो बिनारामनो ? हिसानसालिनि गोजौ गम्बारि खामफ्लायाव ज'हैफिन्नो अमासिया आरो बिनारामनिथिं मोखां जानानै बुडे- आफाया आदानि मुंखौ रायखांवाय थायो। आदाजों मबा गोनां बाश्रा दंनो। मा माश्रा बिखौ आंबो मिथिया।'। बुंनानै बिनारामनिथिं नायहरब्बा मेगन थाइनेजों गोग्लेलायो। अमासिया एसे लाजिनानै नायगंग्लायो।

मिथिनानैबो मिथिया बुंफलायो अमासिया। बियो मिथिगौदि बिफाया गावनि थाखायनो बिनारामजों रायज्लायनो नागिरदों। बौरै बुडे बियो। खावु मोना बियो बुंफोरनो।

आरो बिनारामआबो अमासिखौ मोजं मोना नइ मोनो। सिख्ला जाबोनायनि लोगो लोगो बिनारामआ अमासिनि महर मोखाडव मेगन गोरलैयो। गेवलांनाय अखाफोर बादि नुनो मोनो अमासिखौ। जायख्दंसिमा नुयो। एखनब्ला खन्थाइ सल'बो लिरो। थानाय बैसागुआव अमासिया दाना हरनाय सेराव दिंखिया आगर एरनाय आरो गेजेराव बाइदि मैया बिबारनि आगर एरना हरनाय बेसर बिबारनि माफ्लातखौ गोसोखाडे बिनारामआ। बुंस'लायनो हायाब्बाबो आवफावआवनो

मिथिलायनो मोनो बिसोर गोसोनि खौरंखौ।

गामामथैनो हिसानसालियाव दिंखिया आगर एर्लांनाय फालियाव खाना नाडखैमोन। गोजानाव बिनारामखौ नुहरनानैसो गोसोनि खुसियावनो माखुखौ थाब बोफ्रानायाव खुन्दुं दोंसे जदोंमोन आरो अमासिया बिखौनो जुदोंमोन।

००० ००० ०००
गुवाहाटीयाव फैनानै बिनारामआ बेसेबा सोलायलांनो हमारसै। नोगोराव गोदानै फैनाय। नुयै जायगाखौ नुफैबाय। सोलायस्तु संसारनि सोलायस्तु आवफाव। बोथोरआ जैरै सोलायगासिनो दड'। आगोलसागनि सोदोमफ्रि, माहारि आरो मिथिंगानि महर। दुलाराय आसाम हादरनि गिदिर नोगोर गुवाहाटी। मानसि आरो मानसि। मानसिनिनो जेनगिदिर लैथो। बे लैथोआव सोरबा गावदों, सोरबा गोजावलांदों आरो सोरबा सानस्रि गासिनो दड'।

कलेजाव मुसुबु नुगुन हारिनि गोदान लोगो मोनसै बियो। गुबुन हारिनि सोलौंगिरिफ्रनो बॉसिन। बर' सोलौंगिरिफोरखौ हिसाब खालामब्बानो आसि

बिजौआव सान्नो हागौ।
कले जाव फैनाय दिनें बोसोरनै जालांबाय। बे बोसोरनैयावनो बिनारामआ आगोलनि बिनाराम जानानै थायाखिसै। बिनारामनि सिडव आरो सासे गोदान बिनाराम उजिखाडसै। बिनारामआ गोदान बोसोरनि गोदान बार आरो दोहौनि फाख'नाव गावखौ नागारसारासै।
बिनारामआ मानो सोलायलांखो बिनिबो दोसे सल' दड'। कलेजाव फैनायनि लोगो बिनारामआ बालाथि होन्नाय सासे सिख्लाजों सिनायलायो। सिख्ला सोलौंगिरिनि गेजेराव बालाथियाल' बर'। बालें-फांदां नायनो मोजां, फरायनायबवो। सम थॉनार्यनि लोगो लोगो बिनारामआ अमासिनि महरखौ बावलांनो लागै हमारसै। बिजनीनि माबेबा दरसे गामियाव आसान थेबनाय अमासि होन्नाय गाव मोजं मोनबेनाय सासे सिख्ला दंमोन बे बाश्राखौ बावलाडे बियो। बावलाडे बियो बुदर महाजोन होन्नाय सासे मानसिनिफ्रायदि नांगौ होनब्बानो रंखावरि बिहरनानै कलेजाव फरायगासिनो दड'।

थाखाखौ दै बाइदि बाहायनायखाय बुदेला खाफाल हमनांगो जायसै। हा-हुखौनो लारसै लारसै फान्नो लागै हमनायसै बियो। थेवबो बियो गावनि बाश्राखौ लाखिगोन। बिनारामखौ बि.ए. पास खालाम होगोन।

बिनारामआ मानो सोलायलांखो बिनिबो दोसे सल' दड'। कलेजाव फैनायनि लोगो बिनारामआ बालाथि होन्नाय सासे सिख्लाजों सिनायलायो। सिख्ला सोलौंगिरिनि गेजेराव बालाथियाल' बर'। बालें-फांदां नायनो मोजां, फरायनायबवो। सम थॉनार्यनि लोगो लोगो बिनारामआ अमासिनि महरखौ बावलांनो लागै हमारसै। बिजनीनि माबेबा दरसे गामियाव आसान थेबनाय अमासि होन्नाय गाव मोजं मोनबेनाय सासे सिख्ला दंमोन बे बाश्राखौ बावलाडे बियो। बावलाडे बियो बुदर महाजोन होन्नाय सासे मानसिनिफ्रायदि नांगौ होनब्बानो रंखावरि बिहरनानै कलेजाव फरायगासिनो दड'।

अमासिखौ बियो गोजानावनो जानगार-होनो हमारसै आरो गुवाहाटीआव सासे बालाथि होन्नाय सिख्लाजों गोसो थोलायनो हमारसै। दिनें थॉनार्यनि लोगो बालाथिनि महर मोखांखौ नुवाब्बानो थानो हाया जानायसै आरो सानसे समाव बालाथि होन्नाय लेखा गोरों सिख्लाखौ

हाबा खालामबाय बियो-अमासिनि, जिउ, म'हर, मुसुखा आरो सावगारिखौ बावनानै।

....आरो हाबानि उनाव-बिजनीनि बबेबा गांसे हाइस्कुलाव मास्टारनि हाबा लायासै बियो।

०० ०० ००
दिनें बेसेबा बोसोरनि उनाव जेब्ला बिनारामआ लाउगामिनि आफ्पादसालियाव अमासिनि खोमसि आरो खाफाल खेवनाय महर मोखांखौ नुनो मोनो होमब्ला बनि गोसोआ सिखोद-मोनखाडे सु हाबनाय बाइदि।

अमासिया बा मा सान्दों गोसोआव। हयथ' बिनारामखौ अमासिया थारेंनो मोजं मोनोमोन। नडब्बा दासिमबो बियो सानो हाबा लादिया। हयथ' जिउ थासान्दियाव बियो हाबा खालामनाय नंलिया। बाइदि मैया सानो बिनारामआ। सानो बियो ख'बाडव बुंबेनाय बाश्रा माखासेखौ। गावखौनो गाव उन्दै मोनखाडे बिहा। गावनो “नेर्सन गोनां” नइ आरो नेर्सननि बाश्रा सावरायनो थाडे बियो ख'बाडव।

गोजांम्रिउ मोनो बिनारामआ। बियोदि अमासिखौ गारनानै आरो बिफ्रा बुदेलखौ थपायसुला, अन्जिमा फरायनाया आरो बालाथिखौ हाबा खालामनाया बेसे गिदिर इनाय आरो बेसे गिदिर गोरोन्थि।

बिनारामआ गावखौनो बेसेबा गोथौ फुखियाव गोदो लांनाय बादि मोनो। दिनेंसो बिनि मेगना गेबो। नाथाय अमासियाखि बिखौ निमाहा होगोन ? निमाहा! दिनें निमाहा गावनायनिबो सम गैलिया। बेसेबा गोबाव सिगाडवनो बार'लांबाय बै समआ।

आरो फ्राथि ? बालाथिया हयथ' दासिमहालागै मिथिया लाबानो थायखै। नाथाय बालाथिनि सिगाडव बियो अमासिनि खौरंखौ बौरै बुडे आरो बालाथिया अमासिनि बाश्राखौ बिनाव सोडेब्बा बियोबा बुंफिनो।

बिनारामआ सानो-अमासिया गोजौ हाजौआव आरो गाव बेसेबा गोथौ फुखियाव। बियो आरो सानबावओ-अमासिया हयथ' हिन्जावफेरनि जांछिखॉनाय आफ्पादजों संसारनि सुबुं हारिनि गेजेराव बुंनो सान्दों-बिनारामआ थगायसुला, अन्जिमा गयै मानसि। गावखौ बिनारामआ जैरै थगायदों बिब्दि जेन' दझा हिन्जावफ्रा थगाय जाया। बिनाराम बाइदि थगायनानै जानो गोरों हौवाया हारिनि गेजेराव नेर्सॉनि जेबो बाश्रा बुंनो हाया। बिसोरो नेर्सॉनिनि नामाव मालायखौ फान्दायनानै गावसिनि उदै सुफुंफ्रा। बिखायनो बिनाराम बाइदि लांसुनिया आस'खान्दा मानसिखौ दिनेंनिफ्राय रावबो दा-फोथाय, लामा दाहो। बिनाराम बाइदि मानसिया हारिनि आरो समाजनि हांगार।

बिनारामआ हाख'र गोथौनिफ्राय सिखारनो हायैबादि मोन्नायसै। गाबंन स्कुलाव सोलौंगिरिफोरखौ माबौरै फोरों हेबावनो, बिखौनो साननानै आगोर मोनाखिसै बियो। आरो खिजानिबा बे हाइस्कुलनि सोलौंगिरिफ्रा बिनि गोदोनि बाश्राखौ मिथिजोब्बाय खोमा। आरो सोरबा संश्रासा गथ'आ मालायनि सहाय लानानै लेखा फरायनो नागिरोब्बा बिनि मुंखोसै हयथ' सिगाडव मख'ग्रेगोन।

आरो जेब्ला ख'बांनिफ्राय फैफिन्नायाव बिजि बालाथिया सोडे,-मा जाखा मानो थाब फैंफिनखो ?” होन्नानै होमब्ला बियो बालाथिनि मोखाडव नायहरनो हायाखिसै। अमासिनि खोमसि मोखाड होमब्ला बिनि गोसोआव साग्लोब फैदोंमोन।□

- (□ १ बिलाइनिफ्राय)**

एनडिएनि बिजाथि जयन्त बसुमतारिनि हेफाजाबाव बिसायख'थि फोसावदिं मेल ...

सान्नाय-हनाया गोग्मो मोजां जाबाय। अबर' सोदोबआ गैलिया।”-बेबायदि बिबुंथिखौ आसाम सरकारनि केबिनेट मन्थ्रि रन्जित कुमार दासआ दिनें कक्राझार लकसभा बियाबनि सिडव थानाय सालबारि मानास माहारियारि पार्कनि साखाथियावनो नांजाबना थानाय बोरैडबारि लाचित एमइ स्कुल फोथाराव कक्राझार लकसभा बियाबनि एनडिएनि बिजाथि जयन्त बसुमतारिनि हेफाजाबाव खुंनाय मोनसे बिसायख'थि फोसावदिंनाय मेलयाव होदों। मन्थ्रि रन्जित कुमार दासआ गावनि बिबुंथियाव बुंदोंदि, थॉनाय समफोयव दिल्लीआव भारतबर्षनि गहाइ मन्थ्रि नेर्रेड मदिनि साखाथियाव जिरायनो हानाय आफां आसाम सोनाब ओन्सोलनि कक्राझार, धुबुरी, बरपेटा लकसभा बियाबनिफ्राय एमपि बिसायख'जायखै। नब कुमार शरनियाआ बदरुद्दिन आजमल, चिराजुद्दिन आजमल, आब्दुल खालेकमोनबायदि एमपिफोर देरहानयाव गहाइ मन्थ्रि नेर्रेड मदिनि खाथियाव जिरायनानै गाव-गावसोरनि बियाबनि बाश्राखौ बुंनो हायाखै। नाथाय बे खेबाव बरपेटा, धुबुरीयाव जुथाय दोलौनि बिजाथिया देरहानायजों लोगोसे कक्राझार लकसभा बियाबआबबो एनडिए एबा इडपिपिएलनि बिजाथि जयन्त बसुमतारिआ देरहानानै दिल्लीआव गहाइ मन्थ्रि नेर्रेड मदिनि साखाथियाव जिरायनानै बियाबनि बायदि बाश्राखौ फोरमायनो हागोन। बेनि थाखाय जयन्त बसुमतारिखौ नेर्रेड मदिनि साखाथियाव जिराय होनायनि थॉंखिजं कक्राझार लकसभा बियाबआव रइजो-रजाफोर जयन्त बसुमतारिनि ट्रैन्टरनि सावगारियाव भट होनांगौ। जयन्त बसुमतारिनि ट्रैन्टरनि सावगारियाव भट होनानै बिटिसियाव गोजोननि थासारि सोमजिहोनाय गहाइ मन्थ्रि नेर्रेड मदि आरो आसामनि गिबि मन्थ्रि ख़° हिमन्त बिश्व शर्मांखौ साबायख'र बाउनगौ। मन्थ्रि रन्जित कुमार दासआ गावनि बिबुंथियाव कक्राझार लकसभा बियाबआव इडपिपिएल आरो एनडिएनि बिजाथि जयन्त बसुमतारिआ गोबां भटनि फारागथियाव देरहागोन होन्नानैबो दाबि खालामदों। बिटिआरनि मावफुं सोद्रोमा गौतम दासआ सामलायनाय बिसायख'थि फोसावदिंनाय मेलयाव कक्राझार लकसभा बियाबनि सिडव थानाय मानास बिधान सभा बियाबनि बिजेषिनि इन्सार्स थिराज देउरिआबो बिबुंथि होदों। मेलयाव एमसिएलए जय मुसाहारि, सालबारि टिसिएलसिसिनि मासिगिरि बिनद मुसाहारि, बारा' एमसिएलए माकन सरगयारि, चक्रधर दासआबो बिबुंथि होनायजों लोगोसे आदिबासि जौगाजा गौथुमनि लेाडइ बुंथिगिरि सुभाष तीर्कि, आदिबासि दैदेनगिरि जुनुल कांगारि, इडपिपिएलनि दैदेनगिरि स्मनि देमापि, हेलेना स्वरगयारि, बिक्रम गयारि, सत्यजित बर', सुरेश सस्कार, शरत पाटकमोनजों लोगोसे बिजेषि, अगप आरो इडपिपिएलनि दैदेनगिरिफोरा बाहागो लाफेदों। फारसेथिं मन्थ्रि रन्जित कुमार दासआ खौरं बिजोंनि सिगाडव बुंदोंदि, बिपिएफ आरो हाग्रामा महिलारीआ गोबांखेब माखासे दाबि खालामदों। बिथाड बिटिसिआव सरकार दागोन। बिटिसिनि बिधान सभाफोरखौ बिपिएफआ दखल खालामगोन। बे खेबावबो बिसोरो कक्राझार आरो दरं-उदालगुरि लकसभा बियाबखौ दखल खालामगोनखौ दाबि खालामदों। बिथाड बुंदोंदि, बे खेबनि लकसभा बिसायख'थियाव जर'खायै कक्राझार आरो दरं-उदालगुरि लकसभा बियाबआव गिबि मन्थ्रि ख़° हिमन्त बिश्व शर्मां, बिटिसिनि गहाइ प्रमद बर', मन्थ्रि उर्खव गोर ब्रह्म आरो आंजों लोगोसे जुथाय दोलौनि दैदेनगिरि, सुबुं थान्दैफोरा बिसायख'थि फोसावदिंनाय हाबाफारियाव सान-हर नाडै मुखुब जानानै थादों। सानप्रोमेमबो खेब २०/२५ बिसायख'थिनि मेलयाव बाहागो लादों। नाथाय हाग्रामा महिलारी, खाम्फा बरगयारि, दुर्गा दास बर' एबा बिपिएफनि दैदेनगिरिफोरा बिसायख'थिनि मेलयाव बाहागो लानायखौ खोनानो मोनाखै। हाग्रामा महिलारीआ मावेयाव बिसायख'थि फोसावदिंनायदों खोनानो मोनाखै। बिपिएफआ गुबैथे जेनगोनखौ सिगांग्रो मिबथिनि मोनानै हाग्रामा महिलारीआ बिसायख'थि फोसावदिंनायखौ बन्द' खालामबाय। फारसेथिं, बिजाथि जयन्त बसुमतारिनि हेफाजाबाव दिनें मानास बिधान सभा बियाबनि इन्सार्स थिराज देउरिनि दैदेन्नायाव बासबाय', फाटेमाबाद साहाबागान ओन्सोलयाव एमसिएलए जय मुसाहारि आरो सालबारि टिसिएलसिसिनि मासिगिरि बिनद मुसाहारिनि दैदेन्नायाव बिजेषि, इडपिपिएलनि माखासे दैदेनगिरि-मदतगिरिफोर गोखोंथारै बिसायख'थि फोसावदिंदों। मख'नो गोनांदि, फैगौ २७ एप्रिलयाव आसामनि गिबि मन्थ्रि ख़° हिमन्त बिश्व शर्मांआ मानासनि बोरैडबारि गेलेमू फोथाराव खुंजानो गोनां मोनसे बिसायख'थियारि फोसावदिं मेलयाव एनडिएनि बिजाथि जयन्त बसुमतारिनि जानानै बिसायख'थि फोसावदिंगोन।□

बिटिआर बेंगलि युबा सात्र फेडारेसनआ जयन्त बसुमतारि आरो दिलीप सइकियाखौ हेफाजाब ...

फेडारेसननि मिरुनि गहाइ नेहाथारि सुभ मजुम्दारआ मोनसे खौरं बिबुंथिनि गेजेरजों मदिखौ हेफाजाब खालामनायनि बाश्रा फोसावो। हादतनि सुबुंखान्थियाव गहाइ मन्थ्रि मदिनि दैदेन्नाय सरकारनि आखाय मुथिखौ गोहो गोर खालामनो आरो उंथि खेबनि थान्थाय फिन गहाइ मन्थ्रि मासिआव मदिदखौनो फुज'फिन्नो बिटिआरनि बेंगलि युबा सात्र फेडारेसनआ जेबो सार्थ गैयालासेनो जाथिनि रैखाथिनि सार्थआव कक्राझार आरो दरं-उदालगुरि लकसभा बियाबनि एनडिएनि बिजाथि जयन्त बसुमतारि आरो दिलीप सइकियाखौ आवुडै हेफाजाब होनो फोसावनायखौ नुनो मोन्दें।□

अमिताभ बच्चननो लता दीनानाथ मंगेशकर मान बान्था गथायबाय

अमिताभ बच्चनखौ लता दीनानाथ मंगेशकर बान्थाजों मान होनाय जादों। उषा मंगेशकरआ बुधवारखालि मुम्बाइआव खुनाय मोनसे हाबाफारियाव फावखुंगुरनो बे बान्थाखौ गथायदों। हाबाफारियाव बाहागो लानाने बिग बीआ बुदोंदि, बिथानि बिफा आरो मुंदोखा खन्थाइगिरि हरिवंश राय बच्चनआ लता मंगेशकरनि गारांखौ हनी की धरजों रुजुयोमोन। 2022 माइथायाव लता मंगेशकरनि रुंसारि जाखानायनि उनाव बिथानि नखर आरो फोथायथिया रोजाबगिरिनि गोसोखांथियाव बे बान्थाखौ गायसनदोंमोन। लता मंगेशकरनि साब्रें बिदा-बिनानावफोरा फोर्बोआव बाहागो लायो आरो बान्थाफोरखो गथायो। अमिताभ बच्चनजों लोगोसे देंखोगिरि ए.आर. रहमानखौबो लता



दीनानाथ मंगेशकर बान्थाजों मान होनाय जादों। बे समावनो फावखुंगुर रणदीप हुड्डोनोबो मोनसे जर'खा बान्था होनाय जायो। बिग बीआ हाबाफारियाव बिबुंथि होनाय बे बान्थाखौ मोनो हानाया मोनसे खाफाल गोनां बाश्ना होनाय बुडो। अमिताभ बच्चनआ हिन्दी सावथुन मुल्गुआव गोबां गोसोखांथाव सावथुनफोर होदों। गावनि केरियारआव बिथाड

जंजीर, दीवार, चुपके चुपके, बागबान आरो पीकूबायदि गोबां सावथुनफोरनि थाखाय बाखनायजादों। सन्मान मोननायनि उनाव बिग बीआ बुदों, आं खाफाल गोनांदि आं दिनै बे बान्थाखौ मोनो हदों। आं माब्लाबाबो गावखौ बेबादि खालामनो हानाय सानाखैमोन। नाथाय हृदयनाथ जीआ जोबोद नाजादोंमोन जाहाथे आं बेवहाय

फैनो हायो। बिथामोनहा थानाय बोसोरावबो फोर्बोनि थाखाय आंखौ हंखायहरदोंमोन, नाथाय आं फैनो हायाखैमोन। बिग बीआ बुंवावदों, हृदयनाथ जी, आं नोंथानियाव जोबथा खेबनि थाखाय निमाहा बिबाय। आं जेब्ला नोंथानो बुदोंमोनदि आं मोजा मोनाखै। आं मोजाडैनो दंमोन, नाथाय आं बेवहाय फैनो लुबैयाखैमोन। बे बोसोराव आंहा

जेबो बाहाना गैयामोन, बेनिखायनो आं बेवहाय फैनादों। लता दीनानाथ मंगेशकर बान्था फोर्बोआव मंगेशकर नख'रनिफ्राय गासैबो सोद्रोमाफोरा दंमोन, नाथाय आशा भसलेया गोमानानै दंमोन। बिथानोआ लोमजानायनि थाखाय हाबाफारियाव बाहागो लानो हायाखै। आशा भसलेखौ थानाय बोसोराव बे सन्मानजों मान होनाय जादोंमोन। लता दीनानाथ मंगेशकर बान्थाखौ बोसोरावफोर्बो सासै सुबुंनो होनाय जायो जाय हादर, बेनि सुबुंफोर आरो समाजनि थाखाय बाखनायजाथाव बिहोमा होदों। बे सन्मानखौ गिबि खेब बोसोर 2022 माइथायाव गाहाइ मन्थि नरेन्द्र मदिनो होनाय जादोंमोन। बिथानि उनाव बे बान्थाखौ 2023 माइथायाव आशा भसलेनो होनाय जादों।

गाहाम देहानि राहा

आमलाइनि साटनिखौ जानायजों सोलायनाय बोथोराव देहाखौ मोजाडै लाखिनो हायो

आमलाइखौ आयुर्भेटआव मोनसे न'आवनो दिहुन्नाय मुलि बायदि मानिनाय जायो। बेखौ जानायजों देहायाव गोबां मुलाम्फाफोरखौ मोनो हायो। बेनिखायनो आमलाइखौ सरासनस्त्रा महरै सुबुंफोरा आचार एबा जुसनि महरै जायो। नाथाय नोंथाडा आमलाइनि साटनिखौ माब्लाबाबो जाफेराखै जानांगो। आमलाइनि साटनिआ स्वाद गोनां जायो। बेखौ जानायजों नोंथानि मंगननि नुथाइ आरो इमिउनिटिखौ बांहोनायाव मदद मोनो। बेनि अनगायें आमलाइनि साटनिआ उदैनि जेंनाखौ साखोन-सिखोन खालामो। आमलाइनि



साटनिखौ बानायनो थाखाय 8-10 आमलाइ, एसे हाइजें, एसे दुनिजियाजों 4-5 साम्ब्राम गुफुर, 2-3 बान्तु गोथां, एसे थाव आरो नांजासे संखिखौ लागायनो हायो। बेफोर

गासैखौबो लागायोब्लाबो आमलाइनि साटनिआ थियारि जायो। जुदि, नोंथाडा हास्थायोब्ला बेखौ फ्रिजआव दोन्नानैबो से सप्टाहिसिम गोरलैयैनो जानो हायो।

आमिर खाननि सितारे जमीन पर सावथुननि सेबखानाया जागायसिगोन




बलिउड फावखुंगुर आमिर खानआ बोसोर 2022 माइथायाव फोसाव जानाय सावथुन लाल सिंह चड्ढाआव फाव खालामदोंमोन। बबेखानि सावथुनआ बक्स अफिसआव जेबो जर'खा जाफुसारनाय दिन्थियाखैमोन आरो बेयो फ्लप जादोंमोन। बेनि उनाव आमिरआ सावथुनफोरनिफ्राय गोजान जानानै थाथ'यो। आथिखालाव बिथाड थाबैनो सितारे जमीन परजों गिदिर फैसालियाव फैफिननो हागौ। सितारे जमीन परखौ बे बोसोरनि खूस्टमास फालिथायाव फोसावनो हागौ। सुलुनि बादिब्ला, फावखुंगुरआ फैगौ दानआव दिल्लीआव सावथुननि सेबखानायखौ जागायनो थियारि। बेखौ बुंनया जादोंदि, बे सावथुनआ पेरालिम्पिक गेम्सनि सायाव बिथा खालामजानाय। सुलुनि बादिब्ला, आमिर खानआ फैगौ दानआव सितारे जमीन परनि शूटि थाखाय दिल्लीआव फैगोन। बिथाड सावथुननि शूटिनि थाखाय फ्राय 11 गथ'फोरजों राजथावनिनाय फैगोन। बेजों लोगोसे गुबुन स्टार महरगिरिफोराबो बिथामोनजों नुजाथिनो हागौ, जायनि फोरमायथिखौ दासिमबो फोसावनाय जायाखै। सुलुनि बादिब्ला, मे आरो जुनि गेजेराव मोनसे दान गोलाव समफारि जानो थांगासिनो आरो गथ'फोरा शूटिनि थाखाय गुबुन-गुबुन पेरालिम्पिक गेलेमुफोराव बाहागो लागोन। एखे समावनो, बेखौ दिल्लीनि लालकिला, गोजाम दिल्ली, लधी गार्डेन आरो त्यागराज स्टेडियमजों लोगोसे गुबुन गुबुन थावनिफोराव सेबखानाय जागोन।

जेनेलिया देशमुखखौ बे सावथुनाव आमिर खानजों लोगोसे गाहाइ फावआव नुनो मोनगोन। जुदि बेबादि जायोब्ला बेयो जेनेलिया आरो आमिरनि जयै गिबि सावथुन जानो थांगासिनो दं। बे सावथुनआ 2007 माइथायनि सावथुन तारे जमीन परनि सिक्वेल। बेयाव दर्शील थागोन ना थाया बेखौ नायनाया गोसो बोथावना जागोन। आथिखालाव अनसायगिरिफोराबो बेनि मावख'आरि फोसावनायखौ गोसो गुदुडे नैनानै दड।

रणबीर कापुरआ रामायणनि थाखाय गोब्राब खामानि मावगासिनो, फावखुंगुरनि फिटनेस ट्रेनारआ सावगारि सेयार खालामदो

सन्दीप रेड्डी भांगानि बिथोन होनाय एनिमलनि सोमोनानाथाव जाफुसारनायनि उनाव, फावखुंगुर रणबीर कापुरआ आथिखालाव गावनि ओंखारनो गोनां सावथुन रामायणनि शूटिआव मुखुब जानानै दड। बयबो मिथिगौदि, रणबीरआ गावनि आखुआव हाबनो थाखाय गोब्राब नाजायो आरो जिमआव गोबाडैनो गोदोहाबो। रणबीर कपुरनि फिटनेस ट्रेनार शिवोहमआ थांनाय थाम बोसोराव फावखुंगुरनि देहायारि सोलायनायनि माखासे सावगारिफोर फोसावदों। एनिमेलनिफ्राय लानानै फैबाय थानाय रामायणसिम बिथानि



थियारिफोरनि मोनसे नुथाय होदों। रणबीर कापुरनि फिटनेस ट्रेनारआ गावनि ससियेल मिडिया हेन्डल इनस्टाग्रामआव फावखुंगुरनि गोबां सावगारिफोर सेयार

खालामदों। बेयाव बिथानि सोलायनाय नुथायखौ नुनो मोन्नाय जादों। बे सावगारिफोरखौ सेयार खालामनानै बिथाड लिरदोंदि, बेफोर गासैबो थाम

बोसोरनिबो बांसिन गोब्राब नाजानायमोन। जिउआव सर्टकट लाना माब्लाबाबो जेबो मोननो हाया। बै थाखिसिम सौहैनो थाखाय मोनसे मोजाडै बिथांखि

अरिजित सिंहनि जोनोम सान: अरिजित सिंहआ रोजाबनाय रियेलिटी श्वनिफ्राय होखारजादोंमोनब्लाबो देंखो मुलुगानि राजा जानो हादों

रोजाबगिरि अरिजित सिंह, जाय केसरिया, सतरंगा, ऐ दिल है मुश्किल आरो चन्ना मेरेया बायदि मेथाइफोराव गावनि गोदें गारां होदों। अरिजित सिंहआ आथिखालाव सावथुन मुल्गुआव मोनसे मुंदोखा मुं। बिथांखौ बलिउडनि साबसिन रोजाबगिरिफोरनि गेजेराव सानफानाय जायो। अरिजितनि अनसायगिरिफोरा खालि हादरआव'ल' नड नाथाय गुबुन हादरआवबो दं। दिनै 25 एप्रिल बृहस्पतिवारखालि रोजाबगिरिया गावनि 37थि जोनोम सान फालिदों। अरिजित सिंहआ गावनि गोब्राब नाजानायनि गेजेरजों बे मासिखौ मोननो हादों। 25 एप्रिल 1987 माइथायाव सोनाब बंगनि मुर्शिदाबाद जिल्लानि जियागन्जआव जोनोम मोननाय अरिजित सिंहआ उन्दै समनिफ्रायनो देंखोखौ मोजा मोनबोदों। बिथाड जागायजेंनयनिफ्रायनो सोलोंथायबो लानो हमबोदोंमोन। बिथाड बोसोर 2005 माइथायाव रोजाबनाय रियेलिटी श्व फेम गुरुकुलआव बाहागो लादोंमोन। दिन्थिफुंनयाव बिथाड गावनि रोजाबनायजों बिजिरिगिरिनि गोसोखौ देरहादोंमोन, नाथाय बिथाड सुबुंफोरनिफ्राय एसेल' भट मोनदोंमोन आरो श्वनिफ्राय बाइजोआव ओंखारनांदोंमोन।



अरिजितआ जानो हागौ बै रियेलिटी श्वनि देरहागिरि जायाखैमोन, नाथाय बै समाव बिथानो बलिउडनि बयनिखुइबो देरसिन दिथागिरि सन्जय लीला

भन्सालीआ मोनसे मेथाइ जासिदोंमोन। भान्सालीआ अरिजितखौ सावथुन सावरियानि मेथाइ यू शबनम्मी रोजाबनो थिनदोंमोन, नाथाय

उनाव स्क्रीटखौ सोलायदोंमोन आरो बिथानि रोखोमखौ बोखारनाय जादोंमोन। फेम गुरुकुलनि उनाव, अरिजितआ रियेलिटी श्व 10 के 10 ले

सासै देंखो प्रग्रामर आरो देंखो दिहुनगिरि महरै हगारदोंमोन। अरिजितआ 2011 माइथायनि सावथुन मर्डर 2जों सासै रोजाबगिरि महरै बलिउडआव आगान होजेनदोंमोन। बिथाड बे सावथुननि मेथाइ फिर मोहब्बतखौ रोजाबदोंमोन। सुबुंफोरा बे मेथाइखौ जोबोद मोजा मोनो, नाथाय बिथामोनहा आशिकी 2 निफ्राय सिनारयथि मोनो। बिथाड बे सावथुननि मेथाइ मेरी आशिकी तुम ही होखौ रोजाबदोंमोन आरो बेनिफ्राय बिथानि खाफालआ सोलायदोंमोन आरो बेनि उनाव रोजाबगिरिया माब्लाबाबो उन्थि नायफिनाखैमोन।

पुष्पा 2 मेथाइनि प्रम सौफैनाय लोगो लोगो ऊ

अंतावाआव उन्दै हिन्जावसानि मोसानाया भाइरेल जादों

आल्लु अर्जुन आरो रश्मिका मन्दनानि बोसोर 2024 माइथायनि बयनिखुइबो नेजानाय सावथुन पुष्पा 2: दा रलआ अनसायगिरिफोरनि गेजेराव गोबां दोहौ सोमजिगासिनो दं। जेब्ला सुकुमारजों दिथाहोजानाय बे सावथुननि टीजार आ ओंखारदोंमोन, अब्ला बिथामोननि मोजा मोनजासिन्नाय आखु पुष्पाजनि मोनसे नुथाय नुनानै सुबुंफोरनि मोखाडव मोनसे गिदिर मिनिनाय नुनो



मोनदोंमोन। नायगिरिफोरखौ गोसो गुदु खालामनो थाखाय

बावैसो बानायगिरिफोरा एक्शन थ्रिलर सावथुननि

बावैसो सिगां पुष्पा 2 मेथाइनि मोनसे प्रम फोसावदोंमोन। आथिखालाव पुष्पा 2 नि गिबि मेथाइनि गिबि नुथायजों फिन खेबसेबाव पुष्पा: दा राइजनि मेथाइ ऊ अंतावाआ

जागायो, बेखौ नुनानै खालि सिगाडाव जिरीयनाय सुबुंफोराल' नड ससियेल मिडिया बाहायगिरिफोराबो सोमोनानां। भिडिआव मोसानाय दिन्थिफुंनया हिन्जावसाया गोखौडै मोसानो लायो, नाथाय सानै सिखलाफोरा गावनो गाव फैसालिनिफ्राय गाहायाव ओंखारलाडो। ऊ अंतावा मेथाइयाव भाइरेल जाबाय थानाय बे भिडिअखौ नायखानायनि उनाव, ससियेल मिडिया बाहायगिरिफोराबो गावसोरनि रंजानायखौ होबथानो हायाखै। सासै बाहायगिरिया बुंदों, बे भिडिअनि बयनिखुइ सावसिन बाश्नाया बेनोदि बिथामोनजों मोसानो फैनाय सानैबो सिखलाफोरा जौसांखौ नागारदोंमोन, जेब्ला बिसोरो गथ'जों बादायलायनो हायाखैमोन। गुबुन सासै बाहायगिरिया लिरदों, बिथाड जोनोमनिफ्रायनो सासै गिदिर मोसागिरि आरो फावखुंगुर, बेयाव जेबो सन्देह गैया। गुबुन सासै बाहायगिरिया लिरदों, बे खुदिया हिन्जावसाआ जोबोद थार मोसागिसिनो दं। पुष्पा 2 नि रिलिजनि बाश्ना बुडेब्ला, बे सावथुनआ बोहैथि 2024 नि भारतनि उदासि सान 15 आगस्टखालि सावथुन नब्लांफोराव रिलिज जागोन।

खालामदों, जेराव बिथांखौ साइकेल सालायनाय, जगिं खालामनाय, सानस्त्रिनाय नुनो मोन्दों। सुलुनि बादिब्ला, रणबीर कापुरखौ नितेश तिवारीनि सावथुन रामायणआव भगवान रामनि फाव खालामनाय नुनो मोनो। एखे समावनो साइ पल्लभीआ सीतानि फाव खालामगोन। सानो देअलआ हनुमाननि फाव खालामनो हायो आरो यशआ रावगनि फाव खालामनो हायो। बबेखानि बे सावथुननि जेबो मावख'आरि फोसावनाय आरो बेजों लोब्बा थानाय जायखिजाया आखुखौ दासिमबो फोसावनाय जायाखै।

खालामदों, जेराव बिथांखौ साइकेल सालायनाय, जगिं खालामनाय, सानस्त्रिनाय नुनो मोन्दों। सुलुनि बादिब्ला, रणबीर कापुरखौ नितेश तिवारीनि सावथुन रामायणआव भगवान रामनि फाव खालामनाय नुनो मोनो। एखे समावनो साइ पल्लभीआ सीतानि फाव खालामगोन। सानो देअलआ हनुमाननि फाव खालामनो हायो आरो यशआ रावगनि फाव खालामनो हायो। बबेखानि बे सावथुननि जेबो मावख'आरि फोसावनाय आरो बेजों लोब्बा थानाय जायखिजाया आखुखौ दासिमबो फोसावनाय जायाखै।

बावैसो सिगां पुष्पा 2 मेथाइनि मोनसे प्रम फोसावदोंमोन। आथिखालाव पुष्पा 2 नि गिबि मेथाइनि गिबि नुथायजों फिन खेबसेबाव पुष्पा: दा राइजनि मेथाइ ऊ अंतावाआ फिन खेबसेबाव भाइरेल जादों। बे खेवआव सासै उन्दै हिन्जावसा, जाय सामन्था रूथ प्रभु आरो आल्लु अर्जुननि मेथाइयाव मोसादों, बेखौ सुबुंफोरा जोबोद अन्सायदों। ससियेल मिडियाआव मोनसे भिडिअआ भाइरेल जगासिनो दं, जाय सोरनिबा जुलिनि बाश्ना। बे भिडिअआव साथाम सिखलाफोरा जौसांआव मोसानो फैयो। जेराव सानै सिखलाफोरा बे भाइरेल भिडिअआव मोसानो गो-गोथो जायो। पुष्पा: दा राइजनि ब्लकबास्टार मेथाइ ऊ अंतावाआ गोमखानाय लोगो लोगो जौसांआव गसनाय दुइसिन हिन्जावसाया मोसानो

रसिया आरु भारतनि गेजेराव रैखाथि हेफाजाबखौ जौगाहोनायनि सायाव सावरायदों

मस्क', 25 एप्रिल : रसियाआव थांनाय भारतनि माहारियारि रैखाथि बोसोनगिरि (एनएसए) अजित धवालआ बुधबारखालि रसियानि एनएसए निकलाइ पात्रुशेभजों दरने हादतयारि हेफाजाबखौ जौगाखां होनायनि सायाव सावरायो। धवान आरु पात्रुशेभनि गेजेराव दानसेनि गेजेरावनो जानाय बेयो नैथि जथुमा। बिथांमोनहा दरने हादतयारि हेफाजाब होनायजों लोगोसे गाव गावनि जौगाखां हिटफोरनि थाखाय गोनांथार आयदाफोरवबो सावरायदों। मख'जाथावदि, पात्रुशेभआ रसियानि गोहो गोय रैखाथि परिसदनि नेहाथारिबो। सेन्ट पिटर्सबार्ग सहयव खुंनय गोजौ थाखोनि बिबानगिरिफोरनि जथुमानिफ्राय आलादायै भारत आरु रसियानि एनएसए बिबानगिरिफोरा लोगो



हमलायदों। बे खौरांखौ भारतनि मस्क'आव थांनाय थान्दे मावख'आ सशेल नेटवार्कि साइट एक्सआव फोरमायदों। लोगो हमज्जलायनायाव भारतयारि एनएसएआ मस्क'नि साखाथियाव थांनाय क्राकस सिटिहलआव थांनाय 22 मार्चखालि जालांनय गोखों उतखारि गाग्लोबनायखौ सॉंखारिनायजों लोगोसे दुखु

मोनाय फोरमायदों। बेनि उनाव बिथाड बुंदोंदि, उतखारिफोरजों जुजिनायाव रोखा नडे मान दान्दाफोरखौ आजावना नाड। उतखारिजों गोखोडे मोगा-मोगि खालामनानै बिसोरखौ फेजेनांगौ। मख'जाथावदि, बेनि सिगां खाजाकिस्ताननि राजथावनि अस्तानायाव खुंनय सांघाइ हेफाजाबयारि आफादनि रैखाथि बिबानगिरिफोरनि

जथुमायाव बाहागो लानानै धवालआ सिमना बारनाय उतखारिनि आयदायाव खैसार साग्राफोरनि हेथायै गोहोम गोनां नायबिजरायनि गोनांथि दड होना बुंदोंमोन। बुधबारखालि पात्रुशेभआ ब्रिक्स हादतफोरनि एनएसएनि जथुमाखौ दैदेनो आरु सोद्रोमा हादतफोरनि गेजेराव हेफाजाबखौ बांहोनांगौनि गोनांथिनि सायाव बाथा सावरायो।

अख्रांमायाव गुन्द्रासा हाथियारथिसन्नायखौ लाना आमेरिका आरु रसियानि गेजेराव मोगा-मोगि

वाशिंन, 25 एप्रिल : इउएनआव फिन खनसेबाव आमेरिका आरु रसियाआ मोगा-मोगि जादों। थांनय माखासे सान सिगां रसियाआ बुहुमनि कक्ष लामायाव गुन्द्रासा हाथियार थिसन्नायनि यजना बानायदों होना मोनसे रिपटआव दाबि दैखांनय जादोंमोन। रसियाआ बे दाबिखौ आबुडे नेवसिगारदों। नाथाय बे आयदाया बै समाव गोखोंसिन जायो जेब्ला आमेरिकाया इउएन रैखाथि परिसदआव बुहुमनि कक्ष लामायाव गुन्द्रासा हाथियार थिसनैनि थाखाय बिथांखि लाबोयो। अदेबानि रसियाआ बेनि सायाव बिट'जाबसिन्दों। रसियानि बे थांखिनि थाखाय आमेरिकाया गोखोडे सॉंखारियो। लोगोसेनो रसियानि सायाव गोबां सॉंथिबो खालामो। बुहुमनि कक्ष लामायाव गुन्द्रासा हाथियार थिसनैनि थाखाय रसियानि दाबि



दैखांनया नंखायसो नामा होनाबो आमेरिकाया बुडे। फारसेथि रसियाआ सोदयै बेनि सायाव हाबाफारि मावगासिनो डड नामा होनानै सन्देह' खालामो। इउएनआव रसियानि थान्दे भासिलि नेबेंजियाआ बुंदोंदि, रसियानि सायाव आमेरिकाया नंखाय दाय जाबसिन्दों। थाबैनो रसियाआ अख्रांमायाव गोजोन थासारि लाखिलांनयनि थांखिजों गावनि आंगो बिथांखिनि सायाव परिसदनि सोद्रोमाफोरजों सावरायगोन। नेबेंजियाआ आमेरिका नि

सायाव सॉंथि दैखांनानै बुंबावोदि, गावसोर जुथाइ सिलिंखार खालामग्रा हाथियारनि अनगायै बायजोआरि अख्रांमायावबो जायखिजाया रोखोमनि हाथियार थिसन्नायखौ हेँथा होयो एबा होबथाजानो हास्थायो। नाथाय आमेरिकाया बेबायदि लुबैयोखौ आरु मानो होनाबो सॉंथि खालामनो सानो। मख'जाथावदि, आमेरिका आरु जापानआ लाबोनाय बिथांखिनि सायाव 13 भट मोन्दों। अदेबानि सायाव चीनआ बाहागो लायाखैमोन।

बोथोर बिफाना मारवासे राइज्योफोराव दुंहाव बार बारनायनि एलार्ट होदों



गोदान दिल्ली, 25 एप्रिल : सा भारतनि माखासे राइज्योफोरव गोखों बिदुनि दोहौ नुनो मोन्दों। फारसेथि माखासे राइज्योफोरव अखा हानायजों बोथोर सुग्लायदों। गोखे बार बारनायनि गेजेरावबो गोसा सान्दुं दुंनयजों बिदुंखौ बांसिन मोन्दांथिदों। सानफा एफा बिदुंखौबो लासे लासे बांनय

थिसननो मोन्दों। बुधबारखालि दिल्लीनि मिनिमाम बिदुड सारासन्नायिफ्राय 4 डिग्रि खमसिनै 19.0 डिग्रि सेल्सियास थिसनजायो आरु मेक्सिमाम बिदुंआ 37.5 डिग्रि सेल्सियास जाहैयो। बोथोर बिफाननि हमदांनय बायदिब्ला, राइज्योनि गुबुन गुबुन बाहागोयाव गोखे बार

बारनायखौ नुनो मोन्दों। साननि समाव घन्टायाव 20-30 किल'मिटर गोखेथिजों बार बारदों। राजथावनि दिल्लीजों लोगोसे बोथोरनि दोहौखौ गुबुन गुबुन ओन्सोलफोराव मोन्दांथिदों। लोगोसेनो दुंहाव बार बारनाया सुबुंफोरखौ जेंनायाव खोखलैदों। बिफाननि बायदिब्ला, फैनो गोनां माखासे

सानसिम बेनिफ्राय रेहाय मोन्नायनि आसा नुहुराखे। पाटनायाव बिदुड 40.7 डिग्रि थिसनजादों। पाटनानि बोथोर बिगियान मिरुआ 29 एप्रिलसिम पाटनाजों लोगोसे बिहारनि खोला आरु सा बाहागोफोरनि माखासे जायगाफोरव गोखों बिदुं दुंनय आरु दुंहाव बारहावा बारनायनि अरेन्ज एलार्ट फोसावदों। फारसेथि उत्तराखान्डीनि बांसिन जायगाफोरव बोथोरखौ दोमैलु नुनो मोन्दों आरु एफा एनैल' सान्दुं नुजादों। बोथोर बिफाननि हमदांनय बायदिब्ला महाराष्ट्रआव सुबुंफोरा गोखों गरमजों जेंनायाव गोखेदों। बेयावनि ताने, राइगड जिल्ला आरु मुम्बाइनि माखासे बाहागोफोरव फैगौ 29 एप्रिलसिमाव दुंहाव बारहावा बारनो हागौ। बे समाव बिदुंआ गोबां जानायजों सुबुंफोरा जेंनाजों भुगिनांनो हागौ।

इज्राइलआ लेबानानआव रकेटजों गोखोडे गाग्लोबदों

तेल अहबिब, 25 एप्रिल: इगनखौ हेफाजाब होग्रा आफाद हिजबुल्लानि गाग्लोबनायनि उनाव इज्राइलआ बेनि सायाव गोखोडे रकेटजों गाग्लोबदों। खोला लेबानाननि मोनसे ओन्सोलाव गोखों बमा होनानै गाग्लोबो, जेराव गोबां न'-बांफोरा ख'हा जायो। इज्राइल डिफेन्स फरसेस (आइडिएफ) आ फोरमायदोंदि, बुधबार सानजौफु समाव गावसोरनि सान्थि हान्जाया लेबानानआव उतखारि आफाद हिजबुल्लानि मोन 40 केम्पफोरव गाग्लोबनानै सिलिंखार खालामदों। गावसोर खोला लेबानाननि आयता राक सब ओन्सोलाव बमाजों गाग्लोबदोंमोन आरु बेयाव इज्राइल अख्रांमा सान्थिनि दावहा नांग्रा जेट आरु आइडिएफ कामान्दफोरखौबो बाहायदों। आइडिएफनि बायदिब्ला, गावसोर हिजबुल्लानि दोनथुमग्रा सुबिधाफोर, हाथियार आरु



उतकारि गुदि बिथा, ओन्सोलाव आफादा बाहायनाय गुबुन मिरुफोरवबो गाग्लोबदों। गावसोरनि बे गाग्लोबनाया सिमना ओन्सोलाव हिजबुल्लानि गुदि बिथाखौ सिलिंखार खालामनो नाजानायमोन। मख'जाथावदि, हिजबुल्ला उतखारिफोरा गावसोरनि हाबाफारिनि थाखाय आयता राक सब ओन्सोलाव गोखोडे बाहायो आरु बेयो बे ओन्सोलाव

आफादनि गोबां उतखारि जोन्थोर आरु गुदि बिथाफोरखौ थिसन्नानै दोन्दों, जायनि थांखिया इज्राइल। गाजायाव हामासनि हेँथायै दावहाया जागयनायनि उनाव हिजबुल्लाया इज्राइलआव नोगोरारि थांनय मिरुफोरवबो सायख'ना थांखि खालामो लासे जेराव-मेरावको रकेटजों गाग्लोबदों। फारसेथि इज्राइलआ मोनसे जिंगा खालामदोंदि, इरानआ

दावहानि समाव जायखिजाया आयदायावको गोखों दावहा सोमजिखांहोनो आरु इज्राइल सान्थिखौ गावसाहोनो थाखाय मोनसे गिदिर गाग्लोबनाय हाबाफारि लानो हागौ। दावहाया जागयनायनिफ्राय सा सिमना ओन्सोलाव नुजाथिनाय खैफोदनि जाहोनाव इज्राइलनि सा सहफोरनि रोजा रोजा थागिबिफोरा गावसोरनि बिथा नागारनानै खारनो गोनां जादों।

इमरान खान आरु सान्थि फसंथानजों सावरायनायनि सायाव पिटिआइआ रोखा खालामदों

इस्लामाबाद, 25 एप्रिल : जोबथेसालियाव जोबजानाय पाकिस्ताननि बारग'गाहाइ मन्थि इमरान खाननि दैदेनाय पाकिस्तान तहरीक-ए-इन्साफ (पिटिआइ) पार्टीआ सान्थियारि फसंथानजों जायखिजाया रोखोमनि सावरायनो थाखाय नेवसिगारदों। पिटिआइआ बुंबावदोंदि, जायखिजाया सावरायनायाव बाहागो लानो थाखाय बिसोरहा गोसो गैया। पिटिआइनि शेयारमेन बेरिस्टार गौहर खानआ रक्लपिन्डीआव आदियाला जोबथेसालिनि बायजोआव खौरांगिरिफोरनि सिगाडव बुंदोंदि, गावसोरनि पार्टीया गोहो गोय फसंथानजों सोदयै सावरायदों होन्नाय जायखिजाया गोसारनाय खौरांफोरखौ गोखोडे नेवसिगारो। बिथाड मिबथिहोदोंदि, गावसोरजों दासिमाव रावबो सोमोन्दो लाखियाखे होना इमरान खानआ बुंदों। बिनि अनगायै गौहर खानआ रोखा खालामनानै बै मिडिया रिपर्टनि सायाव रोखा फोरमायथिना होदों, जेराव इमराननि सान्थि फसंथानजों फोनांजाब खालामनायनि थाखाय सावरायदों होना बुंनय जादों। बारग'गाहाइ मन्थि इमरान



खाननि बिसि बुसर बिबिखौ बिथानि देहाजों लोब्ला थांनय जायखिजाया फाहामथाइनि थासारिखौ नायसंनयनि थाखाय गोस्ट्रएन्टरल'जि टेस्ट खालामजानायनि बोसोन होदों। जिय'निउजनि बुधबारखालि फोसावनाय रिपर्टनि बायदिब्ला, पाकिस्तान इन्सटिटुट अफ

मेडिकेल साइन्सनि डक्टरफोरा एसिडिटी आरु बिखायाव सानाय जेंना जानायनि उनाव मेडिके ल टेस्टनि थाखाय बुसरानि न'आव थांनयनि उनाव बे बोसोनखौ होयो। मख'जाथावदि, बियो तसाकाना केसआव गेना-खान्थि खालामनायनि दायाव साजा भुगिनांदों।

चीननि साथाम अख्रां दावबायारिफोरा तियानगं स्पेस स्टेसननि थाखाय दावबायदों

जिउक्वान, 25 एप्रिल: चीननि अख्रांमा एजेन्सिआ बृहस्पतिबारखालि शेनझाउ-18 नि मावथिफोरखौ अख्रांमायाव दैथायहरनो थियारि खालामदों। एजेन्सिनि थांखिया 2030 माइथायसिमाव सुबुंफोरखौ अखाफोराव दैथायहरनाय। गोदान हान्जायाव 43 बोसोर बैसोनि बिथोनगिरि ये गुआंफु, 34 बोसोर बैसोनि ली कां आरु 36 बोसोर बैसोनि ली गुआंसुआ दं। दावबायारिफोरखौ लाबोनाय अख्रां दिडया जिउक्वान सेटेलाइट लन्व सेन्टरनिफ्राय मोनाबिलिनि 8:59 रिंगायाव बिरलाडो। बिथांमोनहा



शेनझाउ-17 हान्जानि जायगाखौ लागोन, जाय थांनय बोसोरनि अक्ट'बरनिफ्राय चीननि तियानगं अख्रांमा स्टेसनाव दं। गोदान हान्जानि

सोद्रोमाफोरा स्पेस स्टेसनाव द'दानसो थागोन। बेयो बिगियानारि आनजाद नायनायजों लोगोसे अख्रांमा स्टेसनाव रैखाथि आगजु

फज'गोन। चीननि नायबिजिरग्रा एजेन्सि सीएमएसएनि लेडइ सामलायगिरि लिन जिकियांआ बुंदोंमोनदि, चीनआ जोबनायाव गुबुन हादरारि अख्रां

दावबायारिफोर आरु अख्रांमा दावबायारिफोरखौ गावनि अख्रांमा स्टेसनसिम सौहैहोनो थाखाय खामानि मावगासिनो दं। जों थारैनो चीननि स्पेस स्टेसनाव गुबुन-गुबुन हादरफोरनि अख्रां दावबायारिफोरखौ नायनो मिजिं थिदों। चीनआ 2003 माइथायाव गावनि गिबिसिनि मानसि थांफानाय अख्रांमा मिसन जागायदोंमोन, जाय सिगांनि सभियेट इउनियन आरु आमेरिकानि उनाव गावनि सम्फदफोरखौ बाहायनानै सासे सुबुंखौ अख्रांमायाव दैथाय हरग्रा थामथि हादर जादोंमोन।

एमाजन प्राइम भिडिअनि सुपारहित वेब सिरिज पन्चायतनि 3 थि सिजनआ फोसावजानो हासिगौ

नायगिरिफोरा एमाजन प्राइम भिडिअनि सुपारहित वेब सिरिज पन्चायतनि गोदान सिजनखौ नेगासिनो दं। हास्थायगिरिफोरा नेहाथारि जी आरु फुलेरा गामिनि थागिरिफोरनि दावराव-दावसिखौ फिन खेबसेबाव नायनो गोसो गुदुं जादों। बावैसो प्राइम भिडिअआ पन्चायत 3 खौ फोसावदों आरु चान्दनि

मोनसे भिडिअबो फोसावदों। बै समनिफ्रायनो नायगिरिफोरनि गोसो गुदुं नैनानै दं। मुंदांखा वेब सिरिज पन्चायतनि नैथि खोन्दोआ 2020 माइथायाव फोसावजादोंमोन। बै स म न फ ा य न नो अनसायगिरिफोरनि गेजेराव दिन्थिफुंनयनि थामथि सिजननि सोमोन्दै जिंगासिनाया सोलिगासिनो दं। जितेन्द्र कुमार,



रघुबीर यादव, नीना गुप्ता आरु चंदन कुमार फाव खालामनाय श्वआ रिलिज जासिगोन होनना

खौरां मोन्नाय जादों। नाथाय दासिमबो रिलिजनि अक्टखौ मावख'आरि महरै रोखायै

फोसावनाय जायाखै। सुलुंनि बादिब्ला, श्वआ फैगौ दाननि जोबनाय फारसे फोसावजानो हागौ। थाबैनो दिन्थिफुंनयनि स्ट्रीमिनि अक्टखौ बानायगिरिफोरा मावख'आरि महरै फोसावगोन। फावखुंगुर चन्दन रायखौ फिन खेबसेबाव श्वआव लोगो नेहाथारि भिकास कुमारनि फावआव नुनो मोनगोन। चन्दनआ बर्दों, आं गिबि आरु

नैथि सिजनआव सुबुंफोरनिफ्राय गोबां अन्नाय मोन्दों। सासे फावखुंगुर महरै आं आंनि फावखौ मोनसे महर होदों, बेनिखायनो दा आं बेयाव जेबो गोदान खालामनो हाया। बे बोथोराव सल'नि स्टाइलआ रोखोमसे थागोन नाथाय मोनसे गोदान दिगजों दावगालांगोन। बेयाव माखासे गोदान रोजाबगिरिफोरबो नुजाथिगोन। दिन्थिफुंनयाव

मोनथाम एबा मोनने मेथाइफोरबो थागोन। मोनसे मेथाइखौ मनज तिवारीआ रोजाबदों। पन्चायत 3 नि बे खेबनि श्वआव हौवा गोदान राजा आसिफ खानआ फैंफिनगोन। बिथांखौ अभिषेक कुमारनि जायगायाव नेहाथारिनि मासियाव जियनयन नुनो मोनगोन। बवेखानि बानायगिरिफोर दासिमबो मावख'आरि रोखा फोरमायथि होआखै।

टि-20 मुलुग काप देरहानो थाखाय नवजोत सिंह सिद्धुआ कच राहुल द्राभिड़नो जर 'खा बोसोन होदों



गोदान दिल्ली, 25 एप्रिल: भारतन टि-20 मुलुग काप टिमनि बागै दान्थे-बिदान्थेया गोखोसिन जादों। भारतन बाग' गिबि गेलेगिरि नवजोत सिंह सिद्धुआबो बे दान्थे-बिदान्थेयाव बाहागो लादों। आइपिएल मेचन समाव कमेन्टेरि खालामनाय समाव बिथाड भारतारि हान्जानि गाहाय कच राहुल द्राभिड़नो मोनसे जर 'खा बोसोन होयो। सिद्धुआ स्टार स्पॉटसआव आस्क स्टार सेगमेन्टआव सासे अन्सायगिरिनि सोंथिनि फिन्नाय होनाई बुंदोंमोन, "राहुल द्राभिड़नो आनि थोंजों बोसोनआ जादोंदि जुदि नोंथाड बे टि-20 मुलुग कापखौ देरहानो लुबैयो, अब्ला सासे रोंग 'सार बलारखौ दोन, जाय टिमाव मोनबा विकेट लायो।" सिद्धुआ द्राभिड़नो बोसोन होदोंमोनदि जेबो रोखोमनि गोरोबथा दाखालाम।

मेनचेस्टर युनाइटेडनि गेलेगिरि जानायनि ओंथिया जादों सोंखारिनायनि थाखाय थियारि जानाय: ब्रुन' फर्नांडेस

गोदान दिल्ली, 25 एप्रिल: ब्रुन' फर्नांडेसआ बुंदोंदि मेनचेस्टर युनाइटेडनि गेलेगिरि जानायनि ओंथिया बेनोदि बिथांमोनहा 24 एप्रिल, बुधवारखालि शेफिल्ड युनाइटेडनि सायाव देरहानायनि उनाव बाखायजानायजों लोगोसे सोंखारिजानो थाखाय थियारि जानांगोन। एफए कापनि सेमि फाइनलाव कभेन्टी सिटिनि बेरेंखायै 3-0 गलजों सिगांलांनो होनायनि उनाव युनाइटेडआ सावरायजादोंमोन आरो पेनाल्टिआव जोबनायाव फाइनालाव सौहैनो हादोंमोन। शेफिल्डनि हेंथायै गावसोरनि मोगा-मोगिनि समाव, रेड डेभिलसनि खाथियाव माखासे गिथावना बुब्लिफोर दंमोन, मानोना बिसोरो मेचआव खेबनै उनथिं थांगोन। फर्नांडेसआ बुंदोंदि युनाइटेडआ मेचखौ 4-2 गलजों देरहादोंमोन आरो रास्मस हजलुन्डनि थाखाय जोबथा गलखौबो हेफाजाब होदोंमोन। रयटर्सजों रायखांजानाय खौगिरिफोरजों रायज्जालायनायाव, फर्नांडेसआ बुंदोंमोनदि युनाइटेडआव थानाया मोनफ्रोम मेचखौ देरहानो दाबि खालामो आरो गावनि हान्जानि



लोगोफोरनो बुंदोंमोन दि बिसोरो बै दाबिखौ हुदा खालामनांगोन। फर्नांडेसआ बेखौबो बुंदोंमोन दि सोंखारिजानायाबो साखिनि मोनसे बाहागो आरो बेजों रगा जोंनो नाड। नोंथाड गोबां गेलेमुफोराव थानो हागौ जेराव नोंथाड फारियै मोनगु देरहायो आरो जेब्ला नोंथाड मोनसेखौ जेनो, अब्ला नोंथाड मिथिगौ दि नोंथांखौ सोंखारिनाय जागोन। "युनाइटेडआव थानाया मोनफ्रोमबो मेचखौ देरहानायनि दाबि खालामो, बेयो जोंनि खामानि बाहागो। जुदि ड्रेसिंग रुमाव सोरबा बेबादि हुदा गैयाब्ला, बिसोरो बेनि हुदा जाहैगोन। "मैनचेस्टर

युनाइटेडनि गेलेगिरि जानाया बाखायनायजों लोगोसे सोंखारिनायखौ मोत्रो थाखाय थियारि जानो दाबि खालामो। जेब्ला जों मोजां खामानि मावो अब्ला जों बाखायनाय मोनो जाहाथे जों सोंखारिनायजों रगा जोंनो हाया।" बेयो एथान हिवटलीनि थाखाय मोनसे जुनिया मोनामोन, जाय युनाइटेड एकादेमिनाय गावनि गिबि हान्जायाव आगान होजेनाय 250 थि गेलेगिरि जादोंमोन। फर्नांडेसआ बुंदोंमोनदि बिथाड बिथांनो गल सोनो थाखाय एसे गोब्राब नाजागासिनो दंमोन। "आं सानो गेलेनायनि जोबनायाव आं बिथांनो (हिवटली) मोनसे गल होनो

थाखाय एसे गोरोन्थि मोन्दोंमोन मानोना, जेरें आं बुंदोंमोन, बियो एकादेमोनि गेजेरजों फैंबाय थानाय सासे उन्दै गथ' आरो आं मिथिगौ बे बुब्लिया बिथांनि थाखाय जोबोद गेदेर। बिथांनि गिबि नुजाथिनायाव गल मोन्नाया जोबोद गिदिर जागौमोन। आं हेफाजाब होनो हायाखौमोन, नाथाय आं नाजादोंमोन आरो माखासे समाव बेखौ एसे बांद्राय गोखै खालामदोंमोन" फर्नांडेसआ बुंदोंमोन। इनाइटेदा दा 27 एप्रिलाव प्रिमियर लीगाव अल्ड ट्रेफर्डआव बार्नलीजों मोगामोगि जागोन।

दिल्लीआ सिजनआव नैथि रवेबनि थाखाय गुजरातरखौ फेजेन्दों

गोदान दिल्ली, 25 एप्रिल: केप्टेन ऋषभ पन्त आरो अक्षर पटेलनि बाजि राननि मददजों दिल्ली केपिटेल्सआ आइपिएल 2024 आव नैथि रवेबनि थाखाय गुजरात टाइटन्सखौ फेजेनदोंमोन। हान्जाया सोलिफु सिजननि 40थि मेचआव टाइटन्सखौ 4 रानजों फेजेनदोंमोन। बे सिजनआव दिल्लीनि ब्रैथि खेब देरहानाय। बे देरहानायजों, दिल्लीया 8 पइन्टजों पइन्ट फारिलाइआव द'थि फारियाव फैंबाय। बुधवारखालि अरुण जेटली स्ट्रेडियामाव गुजरातआ टस देरहानानै बलिं खालामनो थिरांथा लादोंमोन। दिल्लीआ 20 अभाराव 4 विकेट खोमानानै 224 रान बानायदोंमोन। गुजरातआ 20 अभाराव 8 विकेट खोमानानै 220 रानल' बानायनो हादोंमोन। ऋषभ पन्तआ प्लेयार अफ दा मेच जादोंनो हादोंमोन। पंतआ 43 बलाव 88 रान बानायदोंमोन। बेल' नड, बिथाड मोननै



के चबो हमनो हादोंमोन। डिंसिनि केप्टेन ऋषभ पन्तआ 43 बलाव 88 रान बानायदोंमोन। बिथाड मोन 5 ब्रै आरो मोन 8 सिक्स बुदोंमोन। गुबुन फारसेथिं अक्षर पटेलआ 43 बलाव 5 ब्रै आरो 4 सिक्सनि मददजों 66 रान बानायदोंमोन। सानैबो ब्रैथि विकेटनि थाखाय जौसे राननि बाहागोदारि खालामदोंमोन। ट्रिस्टन स्टबसआ 7 बलाव 26 राननि बिहोमा होदोंमोन। गुजरातनि सन्दीप वारियरआ 3 विकेट मोननो हादोंमोन। मोनसे जाफुंसारनाया नुर आहमेदनिसिम फेदोंमोन। फिन इन्सिआव जिटिनि डेभिड मिलर (55 रान) आरो साइ सुधरसनआ (65 रान) जौसेनि खावसे रान बानायदोंमोन। मिलरआ 20 बलाव फिफटी फोजेबदोंमोन।

गिबि गेलेगिरि रिद्धिमन साहाया 39 राननि बिहोमा होदोंमोन, फारसेथिं राशिद खानआ 21 रान बानायनानै थैयालासे फेफिन्दोंमोन। रसिख सलामआ 3 विकेट लायो आरो कुलदिप यादबआ 2 विकेट लायो। एनरिच नटेंजे, मुकेश कुमार आरो अक्षर पटेलआ मोनसे-मोनसे विकेट लानो हादोंमोन। गेजेरनि अभारफोराव बलारफोरा विकेट लानो हायाखौमोन, दिल्लीआ पावारप्लेनि सिडव साथाम विकेट खोमादोंमोन। मोनसे समाव हानजानि स्कर'आ 44/3 मोन। नाथाय गुजरातनि बलारफोरा गेजेरनि अभारफोराव नारसिननाय सोमजिहोनों हायाखौमोन। बेल' नड, गेजेरनि अभारफोराव विकेट गैयामोन। बेबादि थासारियाव अक्षर आरो पन्तआ दिल्लीखौ सामलायनो

हादोंमोन। पंत-अक्षरनि जौसेनि बाहागोदारिआ 44 रानआव साथाम विकेट खोमानायनि उनाव, अक्षर पटेल आरो पंतआ ब्रैथि विकेटनि थाखाय जौसे राननि बाहागोदारि खालामो। सानैबो 68 बलाव 113 रान दाजाबदेरदोंमोन। बे बाहागोआरिआ दिल्लीनि गिदिर स्कर'नि बिथा गायसनदोंमोन। डेथ अभाराव गाज्जि बलिं खालामनाया गुजरातनि बलारफोरा डेथ अभाराव गाज्जि बलिं खालामदोंमोन। बेनि गेजेराव दिल्लीनि बेटसमेनफोरा जोबथा 5 अभाराव 143 रान बानायदोंमोन। पन्त आरो स्टबसनि जराया जोबथा 12 बलाव 53 रान बानायदोंमोन। सानैबो 18 बलाव थैयालासे 67 राननि बाहागोदारि खालामदोंमोन। बे बाहागोदारिजों

दिल्लीनि स्करआ 224 रानसिम सौहैदोंमोन। गिलनि केसेन, वारियरआ ब्रैथि अभार मोनाखैमोन मेचनि समाव, शुभमन गिलआ माखासे गोरोन्थि थिरांथाफोर लादोंमोन। बिथाड सन्दीप वारियरनि ब्रैथि अभार मोनाखैमोन, जाय पावारप्लेआव साथाम विकेट लादोंमोन। बेल' नड, थानाय मेचआव मोजाडे बलिं खालामाग्रा साई किशोरआ बलिं खालामाखैमोन आरो बिथांनो 19 थि अभार होदोंमोन। टस जेननायनि उनाव दिल्लीनि बेटिनि जागायनाया गाज्जिमोन। हानजाया पावारप्लेनि सिडव 44 रानआव साथाम विकेट खोमादोंमोन, नाथाय पन्त आरो अक्षर पटेलनि जौसेनि बाहागोदारिआ 224 रान बानायदोंमोन। जोबनायाव पन्त आरो स्टबसआ गोखै गल सोदोंमोन। सानैबो जौसेनि खावसे बाहागो लादोंमोन। 225 राननि थांखिखौ होसोनानै गुजरात टाइटन्सआ 13 राननि स्करआव केप्टेन शुभमन गिलनि विकेट खोमायो। बिथाड 6 रान बानायखानायनि उनाव पवेलियन फेफिनो। गेजेराव अजमतुल्लाह उमरजइआ 1, शहरख खानआ 8 आरो राहुल तेवतिया 4 रान बानायदोंमोन। जोबथा अभारनि रानफोराबो फाराग लाबोदोंमोन।

केकेआर आरो पिबिकेएसनि मेचनि सिगां शिखर धवननि फैफिन्नायनि खालारखौ रोखा खालामबाय

गोदान दिल्ली, 25 एप्रिल: पिबिकेएसनि स्पिन बलिं कच सुनील ज'शीआ बुंदोंदि शिखर धवनआ मोजां जाफिननायनि लामायाव दं आरो 26 एप्रिल, शुक्रवारखालि केकेआरनि हेंथायै बादायलायनायनि सिगां फेगौ मेचनि थाखाय फिट जानो हागौ। शिखरआ 13 एप्रिलाव आरआरनि हेंथायै पान्जाबनि मोगा-मोगिनि सिगां जोखोम जादोंमोन आरो बै समनफ्रायनो बिथाड गासैबो मेचफोर गेलेनो हायाखौमोन। सेम करनआ बै समनफ्रायनो पिबिकेएसनि थाखाय केप्टेनसिप लादोंमोन। इडेन गार्डेनआव कलकातानि हेंथायै मोगा-मोगि जानायनि सिगां ज'शीआ बुंदोंदि पिबिकेएसआ शिखरनि दुखु मोन्नायनि उनाव बेटि'नि सिबिथायखौ खोमाना लादोंमोन। पिबिकेएसनि केप्टेनखौ केकेआरनि हेंथायै



बादायलायनायनि सिगां नेटआव नुनो मोननाय जादोंमोन आरो ज'शीआ हमदांनो हायोदि बिथाड 1 मेआव सिपेसकेनि हेंथायै मेचनि थाखाय थि समावनो थियारि जानो हागौ। "शिखर धवनआ हायाव जोखोम जादोंमोन, जों बिथांनि बेटिनि सिबिथायखौ खोमायो। बिथाड हामनायनि लामायाव दं। जों बिथांखौ नेटआव बेटिं खालामनाय नुदोंमोन। मिर्जिथियो, बिथाड रिक्'भारि बिखांथियाव दं आरो फेगौ मेचनि थाखाय फिट जागोन,"

जशीया बुडे। शिखरआ जोखोम जानायनि उनाव पिबिकेएसआ मोनथाम मेचफोर जेनबाय आरो आथिखालाव गावसोरनि मुखव मोननैल' देरहानायजों पइन्ट फारियाव 9थि जयगायाव दं। "बेखौ बुजिनाया गोनादि जायखिजाया हानजाया देरहानाय आरो जेननायनि गेजेरजों थांगोन। जोंनि नोजोरा आरोबाव जौगाफिननाय। बेयो गेलेनायनि मोनसे गुपुं महर जेराव नोंथाड बयनिखुइ साबसिन बलआव मोनसे सिक्स बुनो हागौ एबा नोंथाड

मोनसे लासे बलआव विकेट मोननो हागौ। बेयो बेनि सायाव सोनारो दि नोंथाड गेलेनायनि साननि थाखाय गावनि देहाखौ माबोरै थियारि खालामो आरो नोंथाड गोसोआरि महरै बेसेबां रिलेक्स जायो। जेब्लानो नोंथाड दि दिन्थ फु' न'य नि नारसिनथायजों मोगा-मोगि जायो, अब्ला नोंथांनि देहाया अर नांनय नड जानो हागौ। नोंथाड सिरि थानांगोन आरो खेबसेआव मोनसे बल गेलेनांगोन," ज'शीआ बुं'बावो। केकेआरआ आथिखालाव फारियाव नैथि जायगायाव दं आरो पान्जाबनि थाखाय मोनसे गिदिर खैफोद लाबोगोन। कलकातानि हेंथायै गेलेनायनि उनाव, पिबिकेएसआ सिपेसकेजों मोगा-मोगि जानो थाखाय चेन्नाइआव दावबायगोन।

केन्डिडेस चेम्पियन डि गुकेशखौ चेन्नाइआव दुंबुदयै बरायदों

गोदान दिल्ली, 25 एप्रिल: जारिमिन बानायग्रा सेंग्रा भारतारि येंडमास्टर डि गुकेशआ टरन्ट'आव मुंदांखा केन्डिडेस चेस टुर्नामेन्टआव गावनि देरहानायनि उनाव मुलुग बिमुनि थाखाय बयनिखुइ उन्दैसिन चेलेन्जर जानायनि उनाव बृहस्पतिवारखालि न'याव फैफिन्नाय समाव गोसो गुड्डे बरायजादोंमोन। वेलम्मल विद्यालयनि रोजा-रोजा फरायसा, जाय फरायसालियाव गुकेशआ फरायो, 17 बोसोर बैसोनि दाबा गेलेगिरिखौ बरायनो थाखाय बिथाड बिरखं गाथोनाव ओंखारनायनि खमैबो से घन्टा सिगां बिरखं गाथोनाव सारि जानानै दंमोन। बिथांनि सौफेनाय समा खाथिसिनाव

सौफेनाय लोगो लोगो हांगो-दोंगोआबो बांदोंमोन आरो सौफेनाय दरखनि खाथि-खालानि ओन्सोला दान्दिसे समनि गेजेरावनो जामजों बुंफबदोंमोन। गुकेशआ फुनि 3 रिंगासोआव ओंखारलादोंमोन आरो बियो गोखैनो रंजालु हान्जाजों बेंखन जादोंमोन। दान्दिसे समनि गेजेरावनो, बिथांनि गोदोनायाव माला गानहोदोंमोन, जेब्ला पुलिसा बिथांखौ रैखाथियै बायजोआव लांनो थाखाय दावराव-दावसि खालामदोंमोन। "आं बेन'आव फैफिन्नायनि थाखाय जोबोद गोजोनाय मोनो, बेयो मोनसे जुनिया जाफुंसारनाय। टुर्नामेन्टनि जागायजेन्नायनिफ्रायनो आं मोनसे मोजां जायगायाव दंमोन,

आंहा आबुं फोथायनाय दंमोन दि आं बे टुर्नामेन्टआव जौसिनाव नुजाथिगोन आरो खाफालआबो आनि फारसेमोन," गुकेशआ बिरखं गाथोनाव खौरां बिजोंजों रायज्जालायनायाव बुंदोंमोन। "बेखौ नुनाया मोजां दि गोबां सुबुंफोरा दाबा गेलेनायखौ मोजां मोनो... आं तामिलनाडु सरकारखौ साबायखर बाउवो। आं आनि बिफा, बिमा, कच, लोगोफोर, नख'र, मददगिरि आरो आनि फरायसालिखौ आंजों लोगोसे थानायनि थाखाय आरो बे टुर्नामेन्टखौ देरहानायव आंखौ मोनसे सोमोनांथाव बिफाव लानायनि थाखाय साबायख'र बाउवो।" बिथांनि बिमा पद्मा, जाय सासे माइक्र'बाय'लजिस्ट, नख'रनि माखासे गुबुन



सोद्रोमाफोरजों बिथांखौ बरायनो थाखाय बैयाव दंमोन आरो जेब्ला बिमाया फिसज्जलाखौ हांगो दोंगोआव नुदोंमोन बै समावनो लाइमोन चेम्पियननि मोखाडव मोनसे गिदिर मिनिनाय दंमोन। गुकेशनि बिफा रजनीकान्त, जाय सासे इएनटी सर्जन, नाथाय बिथांखौ हेफाजाब होनो

थाखाय गावनि प्रेक्टिसखौ नागरदोंमोन, बादायलायनायनि थाखाय सेंग्राजों टरन्ट'सिम दावबायदोंमोन। समबारखालि, गुकेशआ गेदेमा बिश्वनाथन आनन्दनि उनाव केन्डिडेस टुर्नामेन्ट देरहानो हानाय गिबिसिन भारतारि जानो हादोंमोन, जाय जर'खायै सोलिबाय थानाय मुलुग

चेम्पियननि थाखाय बादायगिरिखौ थि खालामनो थाखाय खुंनय जायो। बिथाड 40 बोसोर सिगां मुंदांखा गैरी कास्पारभजों बानायजानाय रेकर्डखौ साबसिन खालामनानै बिमुनि थाखाय बयनिखुइ उन्दैसिन चेलेन्जर जानो हादोंमोन। बे देरहासारनाया गुकेशखौ बोसोरनि जोबथा थाम बाहागोआव चीननि सोलिबाय थानाय मुलुग चेम्पियन डिंग लिरेनि हेंथायै मोगा-मोगि जानो खाबु होयो। कास्पारभआ गुकेशनि दिन्थिफुनायखौ बाखायदोंमोन आरो बेखौ "टरन्ट'आव भारतआरि बांघ्रि" बुंदोंमोन। बिथाड बेखौबो बुंदोंमोन दि केन्डिडेसआव भारतनि

दिन्थिफुनाया गेलेमुनि मुलुगनां मुलुग खाथिनाय मोनसे "टेक्ट'निक सोलायनाय'खौ दिन्थियो। गुकेशआ केन्डिडेसआव फेजेनजानाय गेलेगिरिफोरनि गेजेराव 18 बोसोर बैसोनि आर प्रज्ञानंधआबो दंमोन, जाय सोहोरनिफ्राय ओंखारबोनाय गुबुन सासे सोमोनांथाव रोंग'थिमोन। गासै साबा हौवाफोर आरो सानै आइजोफोरा बादायलायनायाव बाहागो लादोंमोन। गुकेशआ गोबाव समनफ्रायनो गुथाल बानायगासिनो दं। बिथाड जानुवारि 2019 मायथाइयाव 12 बोसोर, स्रि दान आरो 17 सानआव भारतनि बयनिखुइ

उन्दैसिन ग्रैंडमास्टर जादोंमोन। आथिखालाव, बिथांहा 2743 नि एफआइडि रेटि'दं, बबेखानि बिथांनि गोजौसिन रेटि'आ 2758 जायो, जायखौ बिथाड थानाय सेप्टेम्बरआव मोननो हादोंमोन। गुकेशआ आथिखालाव एफआइडि रेटि'आव 16थि मासियाव दं, बबेखानि दिनेसिम बिथांनि बयनिखुइ साबसिन रेंकि'आ दाइन्थि जायगायाव दं, जाय बिथाड थानाय सेसेम्बरआव सौहैदोंमोन। बिथांनि बावैसोनि गोजौसिन दिन्थिफुनायफोरनि गेजेराव हौवाफोरनि हान्जा थाखोआव थानाय बोसोरसे हांजो एशियन गेम्सआव मोनसे रूपांनि बान्था मोननो हादोंमोन।